

Kanukiiyo Araar Betelekem Lodidi?

Tucson, Arizona, U.S.A.

63-1214

1 Ejok ajaut ne atupuruc na. Ido kwana eyuunit eong ebe ilosi oni ajaun kede ekosio loitegelikina, ajai Onac Williams alimonokin eong, kama ejai icetunganan kokanisake. [Kowoikini inac ekosio loenyaritai, Kilelebig Eikopoka, Ejakait-Ekewa.] Ngungun kes ijaar oni ne atupuruc na, ekeunitos ikopoiwok, "Kilelebig, Ejakait." Na bon nges apak naipedoria oni ajaut kede arereng kanu ailip nu. Ebuni apak adolun naijaunor oni kowai je ido mam oni ibuni ajaun kede arereng ngin. Aso napirokor oni ijaatar kede ngin, ido aroko ijai toma aijenewok nakajokan, aomit eong ediopet kotoma oboro lukacoa luepedori idiotunganan kere aswam naperoko Edeke einakinini oni arereng awam ngun, nges aswam ngun, aileleb ikopoiwok kwana kede aminaKe ka aitim.

2 Ejai ediopet loeboienete kaoni kolo, mere kolo sek noi, ido atwana ngesi. Ido erai aiturur naepol kotoma otauonowok kanuka Onac Williams. Erai Onac Williams, ekapolokinitoniwok loka aiwadik kane, papake. Arai bo papakon loka apolou anyoin, Onac Williams? Akaisakanyauni ka lukanyauni. Abeit tikorai ikar akaisakanyauni, aomit eong, adepar e...mam, ti erai, eebo, ikar itomon ka lukanyauni adepar apak naisumunikitai. Etunganan loetiting. Mam aojau naepol edauna anyoun, nakeboio kotoma airiamun, abu eong alimok nges, ido mam eong ajai apalun Onac Williams, abu eong alimok nges ebe, "Isubit do ijo bala idit adepar okokukon, Carl." Itodunit ngin ebe ijai oni ne lolo ido moi mam oni ijai ne. Mam oni ijeni iwori bo edolunio apak ngin, apak naebunio, konye ijeni oni ebe ebunit. Ajai eong aoomoo, ebe, konye erai aijar ibore yenepol, erai, erai aijar arereng.

3 Kijauna oni kede ationis naepol, naka idiopet yenabunenenei okanisawok adaun aojau, ko Chicago, aponi koarai kapaaran kaya ebonguni ore, toto. Ayapikinit ngesi, aomit eong ebe ayapikinit ngesi akaisakanyauni, ido ajai ngesi kede okilenike ekerete kolosete ido kokuju ko Kansas, Missouri, kojai ekwam loagogong itorit toma. Abu etunganan loerengei, abu emotoka ocetor korot, abu ekemorosing kobila kanepakanen. Ido mam oni ijeni apak naebunio na. Apak nabunio eong...aponi kenomakin eong esimun kanu alimokin nuikamunitos ngin kasodi eong ainomanakin idwe airmor akwapuwok kere, alimonokin kes. Kwape araar eong ecokionikec, asubit bala, arai eong nges abeit aitejenikin kes. Aoomooi eong eipone loabeitor isio aisuburikin alosit, ido ajai abokis nen naka iboro luewinyak asipo koingarenaka nabu ngesi kiswamaikite eong bala esabiiti kau, kasodi ainakin eong. Itei ijo eipone loepedorere akopor oni katipet. Konye, arai ngin, korai tikorai aijar na bon nges ajai amunowok toma, ti do oni kirai itunga luyararotoi. Abala Yob, kotoma osula lo 14, "Wuu, okwe korai kiitongop eong okatwak, kidar da eong kaiboisitikon nakaiyeiyea."

4 Ijo imisiikinitor eipone lokitejena esube nuka Edeke? Ianyuni oni ikito, erararos akwi kokito, kosodi aijar nakotoma okitai alosit kwap alupok, bala kwape ates, kosodi aiboi kangina kiton naketuboror anyunyura naka alilim, kobonguni bobo, aitolomun aijar nakitetet. Erai ajanaanut ebe ijaruni oni bobo. Elomuni akolong tupuruc, kwape ikoku yenididi, edit agogong; akaulo naka apak naedit kojaun osomero, osomero loka osinia; kosodi do kiding paaran toma agogonguke; kosodi do paaran kogeuni aibeloow kowai je; kosodi ibong kononokiar bobo kosodi atwanare. Konye mam ngin erai awasia naka akolong, elomuni bobo atupuruc naetupakini kanu ainakin ajanaanut neejai atur ace, ebe ejai aijar, atwanare, anukio ka ajarun.

Karaida esube kotoma nginiboisit kere inera nuKeng. Ido erai esube ajanaanut naepol noi kowai ece, nges atemar, ebe mam oni ipedori ajaun kede Aijar na naka ajarun kidimikito arai iswamai alosikinet naka Edeke. Kwana, arai kiraikini ikinyomit, ido kojaatar ikinyomit ngin aijar, mam itolomuni aturot nakitetet, arai mam ijaanakini alosikinet naka Edeke. Konye kereka, komam erai ebe naarai erai ngin aturot ebeit do alomun, erai naarai ijaanakini alosikinet naka Edeke. Ngungun nges apolou nailomuna akolong, erai naarai ijaanakini alosikinet naka Edeke. Ido inyouni oni arai kijaanakini alosikinet naka Edeke.

5 Eyuunit eong ebe abu Onac Williams kijaanak alosikinet naka Edeke kotoma aijar, papa obe. Ido aseseni eong apaupake naminat, amucalat Williams, iboie kane. Ekiliokit obe, nges erai loka alosikinet naka Edeke. Papa, loka alosikinet naka Edeke. Ido arai ngesi loajari mama ejai Edeke, kede Emoyo Lokalaunan, alosikinet nakapolon naka Edeke. Aso, alimun ebe mam Onac Williams ebuni ajarun kosodi ajaun kaoni bobo, ekotokin do oni alimun ebe emamei aijesar kwap naka emina loka ikito, emamei alomun naka akolong, aturo, esube, aijar naka iraan, nginibore kere inera nuka ngin. Ido, kilema ber ngun da, aiyuun alopet naejai otauonowok esubanakin ebe ibuni oni aanyun nges bobo. Kisiyeng Edeke ekemoyo. Kwape amalan neejai ngesi loeboienete kaoni, anyoutu aibwo kakejenewok ipak edit.

6 Papa lokotoma Akuj, mam isio itamitor aiswamaun airiamun kwape kana kede alosikinet naka aanyunio arai apupunio. Kiriamunun isio nginipak, kanuka aisinyikokinio naka Okokukon, Yesu Kristo, ido kanu ainakin ajanaanut neejaas itunga ngul luemameotor Nges, tetere edumunete Nges. Isio, itaunokosi epupete alangir kanuka ngul luejalakinitai kokau kotoma anyoun naka onacekosi, ido loeboiete kasio pac, eboienenei irwanapu kotoma apak kangipekangin. Konye iyuunit isio ebe ibu Ijo kocamak nges aijar aijar nakajokan, naileleba, ido ejai ekemoyo kede Ijo lolo. Kisiyeng nges, Wu Edeke, kiton apaaran ngin nakianyunia isio nges bobo. Kisirereng okokuke lo, ikedwe luce, ido ngul kes isio kere, Papa. Ido ajenutu

isio na, ebe isio da irai lutesek ido ibusakinit anyoun acepaaran, aso etomonokinos isio kanuka esawa kangol lokapolon. Ido arai ejaas ice ne atupuruc na lumam itemonokina kanuka ibore kayepekeyen, koraun na apaaran naelimunatar kesi ebe, "eebo" mama ejai Ejakait Yesu, koraunos da luejarete mamaKeng kede Emoyo Lokalaunan. Naarai ilipi isio Kokiror loka Yesu. Amen. Eboikinos.

7 Kwana, ikoto alimor alimonoreta adis. Akeberu iboie kokau kangina atupuruc na, abu eong alimok nges, eong ebe, "Naminat, alosi eong ajaun kinga kanu ainyam lukatupuruc..."Ajai isio alosit otaun kasodete aswam iceboro. Kasodi eong atemar, "Alosi eong ajaun kinga kosawan iwongon." Abu kosesen eong. Kasodi eog atemar, "Arai mam eong alosi kinga kosawan iwongon, abuni eong agwelakin ijo goen iarei luka aseunetekon." Aso ajeni eong-eong nuelosete aismamaun, iburao eong goen iuni kwape kwana, naarai erai adakikan akaisaarei kolomari isawan iwongon kwana. Konye abuni eong aitam aisyunakin katipet noi kwape kapedoria eong.

8 Iyalama noi ajaut kayesi ne Yeriko kayes inacan atupuruc na, ido kisukunyikit isio yes, akuar naka Naebalaasa, kiton YeRusialem, ko Tucson, kiton opucit kokwap kangina. Itei ijo, erai Phoenix ecilet, bala kwape Yeriko. Tucson, neeboio eong, ejai kuju orangat, erai-erai ngol YeRusialem. Aibo ijai ijo Tony? Inyobo mam icetunganan etemara "amen" kane. Ne, kwana ajai eong toma aloketait, mam Tony abu kitodun da. Eebo, moi, arai akuar naka Naebalaasa, erai epucit ko-ko Tucson, ido abeit cut ibuni aiyalamikin arai ijai ijo kowai ngol, kopedo alomun toma kosodi aanyun isio. Akakou naka akirot akuar ngin, arai kitojok Ejakait, erai, Kiany Isio Aaceritike Kokide Ido Ibunit Aima Nges.

9 Ido kwana akanyaangon nuka olap kalo, kolap ngol, atemas, atomon ka lukanyaangon nuka-nuka olap Losodit, ageuni eong aisikwarunio kane, cut kagoola kanapekana, kooteri lo Ramada kane, ido atomon ka lukanyaangon, akaisaarei, ka akaisaarei ka ludiopet. Kosodi do akaisaarei ka luarei, ecamunit eong, egeun a...akaisaarei ka luuni, kijaar eong akuaresia aangon kane, ido kwape aisikwarunio. Luipu kotoma kayesi inacan lujaanakinak, abeit cut iyalama isio noi aanyun yes ijaas kasio atupuruc na, ido isukunyikit yesi kede itauon kere ayangaun ikusitunga. Aitelekarit ngul, lu, luijenete yesi kane kotoma oibuga lumam ejenete Yesu kwape Ekecetajaran. Kosodi do, iareikini, neejaas ngul luedekas ido-ido kiyuunitos ebe ebongonokini Edeke ailipasia, ilosikinit ailipanakin lukadekak kotoma apak kana naperoko atukonokin naka akwapuwok kere naebait aitolosio kane ageun akaisaarei ka luarei. Ido ajeni eong ebe ikotosi yesi apupun ngun, naarai ejaas ikanerak lukapolok luebeit abunore, ido ajeni eong ijaunos yesi kede apak nakajokan.

10 Kwana, atupuruc na, aomit eong nuka einer nuka aiwadikaet kana, naeraar Phoenix duc aiboisit naejai toma otauka. Amina eong Phoenix. Ajai eong ne apaarasia nuaraar eong isapat yenididi, kokinga kangina ko Wickenburg naejai kuju. Ido eboie eong kokwap kane korot loenyaritai Sixteenth ka Henshaw. Arai amodingot kolo. Konye aseseni eong ejai cut Metropolis, ido, eebo, cut toma akidingot naka eibuga. Itoduni ngin ebe ejai apak naka aijulakin, aijulakin. Konye ejai ibore idiopet bon yenakoto eong einer atupuruc na, nges Ngol Lomam ijulanakin, ido nges Edeke. Edeke kotoma ainapetaKe, Akekirot, mam ijulanakin. Ijulanakinokos apakio, ijulanakinokos itunga, ijulanakinokos ijautenesio. Konye Edeke mam ijulanakin, esalakin Ngesi ikoni nepenen.

11 Ido abu eong aomite, kwape eraar ebe itereikina oni kede apak naka ebaga, ebe ti oni...aticepak ti eong einer kotoma aisiraret naka ebaga. Ido kwana arai itingitos yesi ikusibaibulin, ido ipudas aisiom, acepakio iswamaete itunga ngun, kokau naka ekalimonokinan arai ekenaran, akoto eong asiomun kotoma Matayo Lokalaunan, esula lo 2, kanuka atutubet naka Akirot.

Nakeurii Yesu koBetelekem loka Yudaya kapaarasia nuka Kerode ekabaka, koany, kodolut lokacoa lukepote kokide YeRusialem,

Kobalas ebe, "Ai bo ejai Ngol lokeurio ekabaka loka Iyudayan? Naarai kipou aanyutu aaceritiKe kokide, ido kiponit isio aima Nges."

Nakepupunio Kerode ekabaka ngun, kiyalongong, ka luko YeRusialem da nepepe kanges.

Kotukonokinos isasedotin lupeti ka ikewadikak luka itunga kere, kingita kes netieurikinitai Kristo.

Kolimokis nges ebe, "Toma Betelekem loka Yudaya, naarai iwadikat enabi kwangin ebe,

Ka jo da Betelekem, akwap naka Yuda, mam irai lodite kokapolok luka Yuda; naarai kotomakon elomuni ekayaiton Loicokei ikatunga Isirael.

12 Kisirereng Edeke asiomio naka Akekirot. Ido kwana kede akiro nuiwadikatai ne, ka icekokoron kanu aijulir nekec, ekoto eong aomisiokus numam etiakak kanuka apak naedit kotoma akou naka akirot naenyaritai; Kanukiinyo Eraar Betelekem Lodidi.

Ijeni ijo, ko бага, aomit eong oni kere, luipu kotoma kaoni, mam eong apedori atemar ebe kere, konye luipu kaoni kitwaniarit apolou alopel naka loerai ebaga. Abu eong agipa kane, karaida idukudukun

eculitai; ido Kokide erai duc ekitoi loenyarit fir, arai bo ekitoi lolibaikit apaarasia kere. Ilapio, arai isabiitin, atemas, aticepak elap arai isabiitin ikanykape eroko ebaga egeuna, erai duc aicul ido-ido lokapolon... Apotu kitarau ngol loka adumun isirigin aiboisit naka apolou alopet naerai ngol.

13 Mam eong eyuunit ebe eurunitai Yesu akaisaarei ka lukany kolap Lokitomonet ka luarei. Mam eong acamunit ngun nepepepe da. Mam ti epedor iboro aiswamaun. Ileleba irongan luko Yudaya akako adepar noi, inyobo, idul akako kiton adolore angabet kotoma kangina kolap lo-Lokitomonet ka luarei, kalaije ko Yudaya. Konye idumuni kotoma aisia akiro nukolo ebe, eurunitai Kristo aticepak apaarasia nuka aporo, ageun nepetai Olap lokiwongonet arai loikanyet, nenice kanen. Konye nakejulakinere, nu, apotu koyangautu, neejulakinere Ekristayone araun Eromayone, apotu kitarautu apaaran naka aurio naka edeke lokolong, loarai akolong kotoma akaisaarei ka lukany, anyoun akaisaarei ka ludiofet kiton akaisaarei ka lukany olap Lokitomonet ka luarei, kosipo akolong ejok, nepetai mam ijulakin cut. Kosodi do arai ngin apaaran naka aurio naka edeke lokolong, aso apotu kijulakis ngin neejai Okoku loka Edeke.

14 Konye, Kiitu, idiobore adiopaaran kere naepedori ngin korai, isalakini oni mam ilemarit alaunit naka nuebeit ngin araut. Neabu Satan okokoa oni kotoma nu, nges etarau ngin agwelanar naepol, ka iputosia luka ebaga akokuasi aima kere. Ido araun a-apaaran bala kwape Epasika, bala ipo yenididi ka atudoi nueraas pink. Ido-ido aiswamanara bo do ani ejaatar ngin kede Epasika? Aiswamanara bo do anyoin ejaatar ngin kede ajarun naka Kriso?

Eputosi bala kwape akwap lolo, ngul, idwe korotin epedorete alimokin ijo nuipu nuikamunitos Davey Crocket adepar kwape kepedoriata alimokin ijo nuka Yesu Kristo. Epedorete alimokin ijo nuka icetunganan yenegwaunit akiro, icetunganan yenabilit ekisil kapaarasia nuatuboros, adepar kwape kepedoriata alimokin ijo nuka Ekabaka loka Aijar lo-loaponi kourunai ikar elukumit akwatakanykaongon kau. Konye mam ngin elemari ibore ilopet awai kama ejaas Ikristayon.

15 Itei ijo, ecai duc akolong ejok noi kotoma amuton. Aimiliaunun naemusumusi kotoma akuj nairionon naerapitos idouon kuare, itodunit ebe epedori aica ajaun kotoma amuton. Ido kotoma apak naecaia aica, mam ijo ianyuni...Arai ecai akolong, mam ijo ipuda akimian noi. Konye arai emutono, needisiar akim, nges ecaia noi kotoma amuton. Neemutonoi noi, nges ejokar, itakanuni ejok. Ido eriakasi ngin kede...Ibusakinit oni Ikristayon aitejenun aibuses naka Edeke naka ainakin Okokuke mamawok. Ibusakinit ebaga lo korai ibore yenepol noi mamawok. Ibusakinit oni Ikristayon...Mamace arai ikoni ai, einakini ngin ailiacaun ejok noi. Akwap kere ejaatar amwekemwek. Kijaar oni Kristo, ido ngol nges ebeit oni ainakin oca kotoma osawa kalo loemutono loijari kwana oni kotoma.

16 Iwomoomoi oni eipone lokiswama Edeke iboro koipone kalo itegelikina, naarai erai Ngesi da elopet loitegelikina. Erai Edeke loitegelikina. Erai ngesi Lokapedor, Loemamei ageunet arai esange, mama ijai oni luejai ageunet ka esange da. Idiobore kere yeniswamai Ngesi, kotoma aiboisitiKe, erai yenitegelikina. Ido eumokina Edeke noi-noi, kiton nakitosoma Ngesi iboro lumam itodiara luka akwap kana aitodiaror Elopel kede ngul.

Kianyuni oni kane kotoma akirotoka, naka Kanukiinyo Eraar Betelekem Lodidi, lodidi kakere koYudaya, akabaka naka ibugai ice luko Yudaya, inyobo ainakini Edeke asekun aijukun Okokuke aiboisit ngin? Ngun kes ikoto oni einer. Edeke alemun iboro lukotoma akwap, eyuunit eong ebala Naiwadikaere ebe, "Kotoma abanganut naka alimonokin Akiro Nukajokak, abu kisiyalamin Edeke alemun iboro lumam ejenara." Iboro luitaraut oni ebe luepolok enyarai Edeke abanganut. Iboro lujaikinit oni aibuses naepol, ebala Edeke ngul ebe emamei ajokis. Ido ibore yeniwomit oni ebe emamei ajokis, itubusikit Edeke.

17 Ajai eong aomoom naperoko aurio naka Ejakaitiwok, neapotu inabin kere, kaiceda, kineritotor nuka abunore kalo egeikini, "eipone loaponere aiyiiyanakin ngolirongat kosodete aditono aiculurinin, ido apote irongan adesitai kwape imerekekin ludidik, kosodete akwi aibap akecekanin." Ido arai ejaanakinan, enabi ekekiror Yokana, abu kobu kamodingot, mere kotoma karaida osomero loka ediini, kisonyokokas ajul koreeteke kere, konapite emukule loka amerekek, mere kotoma onapen luka itunga lukapolok, abu kobu kosodi alimor, ebe, "Ayapu Ajaakanut naka Akuj!" Ido aninikikit itunga amisiikin eipone etunganan kwape kangol lomam ebekokina abunore, komamei ejenunet loka eswamae edio, idiobore yenajai ngesi toma, akaadi adio naka eidicane, arai ediodiini loegangit nges. Apol Aisiraret noi, mam nges epuda etunganan, abu Edeke kisisianak nges kamodingot. Mam Aisirareteke arai naka eipone loka akiro nuka asioman naka ediini. Abu kiner nuka emunuo ka aepia ka ikito, ido ngul nges ajeni ngesi, esube, asesenenenei ngol, eipone lokeswama. Ido ngol nges eipone loabu ngesi kolomuna. Mere etunganan lokapolon okanisa, konye kwape-kwape etungana loka esube.

Ido ationikit itunga amisiikin nges noi. Amameotor karaida elutaari, ido aticepak mam esukunyikinitai neejai edio, konye abu kolimonok aririr nako Yorodan, aticepak obwoi korit loekeuna atutubet naka akunginike. Konye apotu itunga kopotu apupokin, ngul luammunooko kotauon. Akotosi apupun naarai arai ibore yenitegelikina, ajaatar eruo naka Abeit mamake.

Lolo, ibusakinit oni ajaas cut kosiep naka adolun naka aurio naka Kristo; Aisiraretewok, ibusakinit kojaatar aruo naka Abeit tomake naebuni ainaakin itunga eimiel adumun Nges.

18 Abu Edeke koleman etunganan ngol loapatana, loamameotor asioman, mam ajaunar osomero karaida apaaran adiopet, konye kereka kobala ebe arai ngol lokapolon kakere kotoma onabin loejaunar, naarai itodiar Edeke kotoma oboro lumam ejenara.

Apak naseuna Yesu ikesisiakaKe, arai. Ajaas itunga luipu luebecokina kanuka epelu kangol adepar ikesisiak, ajaas itunga lukapolok okanisa, mam abu konyarau edio. Ajaas itunga lukapolok okanisa kapakio kangun, itunga lukapolok, isasedotin, itunga luka asioman naepol, itunga luajenara, konye mam abu konyarau ngul. Abu koleman ikalokak agaria ka iketelemak esolo, kaiceda, kanu aijukar Aisirareteke kinga. Iswamai duc Ngesi ngun.

19 Kotoma apaarasia nuka Noa, abu koseu ekakorion, etunganan lopetai, kanualimor amudiario naka atur kangin. Ekakorion lopetai, mere etunganan lokapolon okanisa, ekakorion tai! Kotoma apaarasia nuka Noa, abu koleman e-e...kitimoi eong.

Apaarasia nuka Musa, abu koleman ebulesit loakerit, mere etunganan lokapolon okanisa. Kosodi ainakin ngol alomar kinga kiton nakesimonikinor, kokinga kokau naka amodingot, kosodi aijal akesioman, kosodi aitakanikin nges kotoma okiot loanokie, kosodi aijukar nges ngina kede ebela loakudud kakanike, kosodi aikamar akwap najaatar... nabu ngesi kokerite kotoma.

Itei ijo, elemuni Edeke iboro luka adoketait naka okwap kanu aitodiaror kotoma. Itei ijo, alemun luKeng, erai Akekirot. Abu kosub akwap kotoma oboro lumam atakanunits.

20 Apaarasia adis ajai eong togo lokairiamunun ko Morris, adiopet kotoma airiamununeta nukapolok ko New York, ido ajai eong epupu ekesisianakinan inera nuka etunganan loanyaritai Einstein loenera nuikamunits atukos naka aacer nuipu, loabala ebe eyangaikini ikar imilionin akwatat kede akaisakany luka-luka akerit naka aica, kanu adolokin neke, kosodi ikar imilionin akwatat akaisakany kanu abongun. Kosodi do, koomoom ber ijo, ikar imilionin akwatat akaisakany luka akerit naka aica, eraunos ngul kere ikar imilionin akwatauni luka akerit naka aica. Ido kibong do ijo kwap ne, idauni ijo ikar akaisakany bon. Koomoom ber ijo, inyobo, eipone loekeria aica, amairon ilukumin akwatat akaisakanykauni ka lukanykape kotoma adakikat adiopet, ido koomoom nuka ibilionin ka itrilionin imwaasi ai luka ikar eyangaikini kanu adolore ngina ka abongun. Ikar Imilionin akwatat akaisaarei...ikar imilionin akwatauni luka akerit naka aica. Ido erai ber nen bon adolokin atukos naka aacer nuabu Edeke okuta kotoma akaniniKe, ido abu Ngesi kismama ikar luipu noi luka apak naka aica adepar nen, ido kangina aseseni mama ejaas ngul.

21 Kosodi etunganan lo loka Rusisia atemar ebe arai ngesi nepetai loka ikar akwatat akaisakany, amairon akwataarei, kokuju kotoma apak, kosodi atemar ebe mam nges eanyunit Edeke arai Imalaikan. Euriana bo lolo biai nepedori etunganan adolore? Kosodi aomoom nuka ibilonin ka itrilionin ngul kere luka ikar; ido ikar akaisakany bon kane, inyobo abu ngesi iswama, abu kobelar toma apak Naemamei ageunet ka esange.

Ebalas ebe ekaloton kotoma kuju apak loabu koporo pac kuju apak, ajai kuju adaun isawan luipu, elositor irwanapu, irwan atomon ka lukanykaarei airimun akwap, arai idiobore kere yenarai ngin, abalas ebe mam ber abu...mam ngin arai karaida ber itikatikat kotoma aijarake. Ajai ngesi alosit kede apak. Aso, itei ijo, ibelar ijo toma Neemamei ageunet ka esange. Kwangin nges eumokinar Edeke.

Mam aomisiowok epedorete ainomanar eipone loeumokinar Ngesi. Konye kereka apak naekapakinor Ngesi kanu apukor, itapapani Ngesi ngin noi, elemuni iboro luka adoketait nakokwap kanu aswam ngun, apatan naka ngin.

22 Daudi, loasubit bala...kotoma osap ikanykaarei kere luka Yese, ngesi lokawasia ayangaunio ngaren naka enabi. Inyobo, karaida inacanake obe epedori kokienitos, mam apedorete aomoom Daudi yenididi yenepwokuna, loegwegweuna ikeperin, etunganan loepwokuna araut etunganan loabeit araun ekabaka loka Isirael. Epedori ngesi komam eputosi kede ekabaka kama ejaas itunga ngul, konye abeit cut aputosi ngesi kede ngol kama ejai Edeke, naarai ngul...Abu kinyonyoik nges kwape ekabaka, kwape kwangin. Itei ijo, abu koleman ekal loka okwap loka Daudi, arai ekal loka Yese, kanu-kanu aitaraun ikabakan. Icebore yenabu akwap konger, e...abu konger, abu kijuka nges aidar amerekekin. Abu ngesi koyangau okokuke-abu koyangau okokuke losodit, etunganan lokapolon loayongong, aticepak apedori aibwo korioro ido kosubite bala kwape akabaka loka Isirael, ido ngol nges aomitos kesi atakan esipo ejok kede aboko kokuju akouke, ngol nges abuni aingarenikin...ainap anapito naka ekabakane ido apedori aidak ebela, ka idiobore kere yeniswamaikinio ekabaka. Etakani ngesi-ngesi ibecokina kakonyen nuka itunga.

23 Konye enabi, kede akinyet nanyonyokinio kakanike, ebala, "Biai ijo imameotor ece?" Kosodi ngol ayangaunun ngul, ediopediope, kiton awasia abu kotema atiar, "Biai emamei kereka ijo ice bobo?"

Ebala ebe, "Kijaar eong idiopet, konye aticepak mam nges epedori araut idiobore. Erai ngesi ikesa yenididi yeneonit tai, ijukarit isio nges kinga ngina acok amerekekin."

Ebala ebe, "Kolot koyangau nges." Ido napedoluni ngesi akonyen nuka enabi loenyonyokitai, abu kobukok akinyet kuju akouke. Kosodi akerit airiamakin kanges. Ebala, "Ngol nges loabu Edeke koseu." Ianyu? Itei ijo, mam erai amwekemwek duc, naka akwap. Erai asekun naka Edeke.

Ido kanuka asianut abu kosek oni, aso iyalama oni noi kanuka ngun atupuruc na. Ido mam eyangaikini iboro ngul luemwekemwekete luka akwapin. Yenididi kakere epedori araut ebulesit loka Kristo, eyangaikini itunganan yenipuda.

24 Abu Edeke kinyonyoik nges, itei ijo, eyangaikini iboro ludidik. Kwana inyobo ainakini Nges alemun Betelekem Lodidi? Asubit bala ajaas aiboisio nukapolok nuapedorere aurun Ekabaka, Ekabaka lokaumokin kotoma.

Duc neitemonokina oni asuban kane kotoma akwap, itami oni aitolomun ikiara noi, ibore yenemwekimweki kakere yenipedori oni aomoom nuke, iyangari oni toma aiboisio nakapolok kakere kasodete aitwasamar isirigin luipu kakere, ido iboro lukapolok kakere. Kwangin nges iswama oni.

Konye mam Edeke iswamai koipone kangol. elemuni Ngesi ibore yenerai tai, tetere Nges epedori aitodiar kwape lokapedor kere, tetere Nges epedori...Korai Ngesi kolemunite esasedoti lopeti arai etunganan loetutuoritai ejok, kotoma apaarasia nuanyaraununia Ngesi ikiyakia, korai Ngesi kolemunite ngul aiboisit naka ikalokak agaria luamamei aijen, komam isisiatos lumam apedorete aiwadik ikecekiroria ikulepek, ti etemaritos ebe, "Oo, ebe, itei ijo, akonisioman nges itaci." Konye abu Edeke kolemunite etunganan lomam apedori karaida aiwadik ekekiror, ebe apedori Ngesi alemun ibore yenepedori Ngesi aiting akaniKe, ibore yenapedori Ngesi aismamaun icebore kotoma, kanu aitodun ebe erai Ngesi Edeke. Idolokini oni toma aiboisit naimisiikina oni ebe mam oni irai ibore, kwangin alomarete do toma akanin nuka Edeke, kosodi Ngesi ainyongun ijo kosodi aismamaun ijo koipone loekotor Ngesi ijo ajaut. Konye anyoun naipupio oni ebe epol oni ajokis, akepolou mam ijo ipedori adolore nenidio. Mam ijo ipedori karaida alomar akanin nuka Edeke kiton neimisiikina oni ebe amamei oni ajokis.

25 Engisit adiopet kotoma apesuruka kapaaran kaya nuikamunitos akirot naka ajaut kede ajokis naepol. Eong ebe...Ijeni ijo, enera nuikamunitos ecetunganan loepol ajokis. Eebo, arai ekapolon loka akwap loaponi koarai, kosodete itauonowok aiturur kanuka ngin. Ido abu eong atema, "Ijeni ijo, arai ngesi etunganan loapol ajokis noi." Apotu apapulai kitolomutu ngin, kosodi etelevisiion ainomun ngin, abu koyangaik apugan ibilionin ka ibilionin luka idolai kanu awear akiro ngun. Naerai, edolit ngin, akeceswam nges ngin. Konye abu eong atema...Ekalimonokinan lo loka Pentekosit kokuju kangina ko Carolina, abu etunganan ngol kolom toma, komera aruo naka emuudu, abu konyarau akeberu kosodi ainom etunganan cut kotoma olutaari, kosodi ainom akeberu, kosodi ainomakin elopet, atutubet kokau naka apapula bala naka apolus kwape kangin. Ber eong alimok ijo, onac, mamace nuirai oni, "Ikoto ijo ajenun eipone loepolor ajokisikon," abu eong alimok ikapese, ebe, "irupak ikonibokorit abagubagu naka akipi kosodi alemun kinga, kosodi aitam amoun aipany." Mam oni irai ibore. Ejai Ibore idiopet bon yenapolon, ngol nges Edeke. Ibusakinini oni aaitun, Ngesi Ngol.

26 Asubit bala korai tikesi okotosi ai...ajai etunganan aitemonokin aiboisit kanuka Ekabaka loabeit aurunio, ajaas aiboisio nuipu nuediinikitos ka aiboisit nuejenara nukolo kanuka Ekabaka aiboisit naka Betelekem nadidi na. Aiboisio, kwape nat, bala kwape Silo. Silo nges aiboisit naponi kidarere asaduku irwan nasodit, ijeni oni, kwape kitubunor oni ko...kitubunor oni ko Yorodan kiton owai lo ko Palestine, ido aiboisit naponi kisipokinai asaduku kanuka aiboisitike naka aima irwan nasodit. Arai bo Gilgal; Zion, Zion aiboisit nakapolon; Gilgal, da.

Arai bo eibuga lokapolon loopoga, loka YeRusiale, neatukonokinos ingarenok kere luka iriongeta toma, eibugakec, asubit bala etemokitos kesi aiboisit kokuju kangina ko YeRusiale kanuka Ekabaka lokapolon aurikinio toma, arai akotosi kesi aiboisit, aiboisit najenara arai bo aiboist nakapolon najenara. Arai nen nges ajaas ireria luapolokinitere idiinin, loka ediinikec loabeit Ekabaka abunore toma. Abunit Ngesi abwoikin ediinikec. Ido Nges...ido nakebunio, aiboisit naka ngul aitemokin Nges aiboisit ko Yerusalem arai bo adiopet kotoma aiboisio kanu nukapolok, aponi Nges kourunai ko Betelekem, lodidi kakere kotoma oibugai. "Mam irai loidite kokapolok luka Yuda? Konye kotomakon elomuni Ekayaiton loicokiei Ikatunga Isirael." Kosodete ainger YeRusiale lo loopoga ka ibugai luce da kere.

27 Arai bo ti kes elemunito ace kotoma aiboisio nuakerenenete itunga adumun ayuara, aiboisit nakapolon kwape nat Kebron, Kades, arai Ramot-gilead, ediopet kotoma oibugai kangul luakerenenete itunga ayuar, naarai abeit Nges araut aiboisitiwok nakerianara. Korai oni aitam aitemokin kotoma aomisiowok ikulepek, aticepak ti oni ilemunit, atemar, "Ijeni ijo, kwana, arai ebunit Ekabaka lo lokapolon, loebuni araun aiboisitiwok nakerianara, ebeit Nges kourikinai adiopet kotoma aiboisio nuejenara nuekerenenete itunga ayuar, bala kwape Ramot-Gilead, arai Kades, arai adiopet kotoma ngun." Ti oni itam aitemokin ngin koipone kangol kotoma aomisiowok.

Konye, itei ijo, ejaatar Edeke icewaitin luka aswam. Ejeni eipone loka awam iboro ejok. Ido kwana kede aomisiowok nuka Edeke ka aingarakinio naka Edeke, ibuni oni aitam alimun ibore yenainakini nu aismamaun, naarai nginibore kere iswama cut ejok kotoma ainapetai nakapolon naka Edeke. Ido akoto eong yesi itunga luka ne ko Phoenix, ka luka osiep kane, aitam aikamun Na. Ebe kiitutu, ebe ejeni Edeke nuiswamai. Ianyu? Ido elemuni ngesi ewai loepatan kanuka aswama ngin. Naerai, arai kiswama Ngesi ibore kede icebore yenapolon yenejenara, akepolou...Mam Edeke iswamainenei iboro kwangin, mam Nges

iswamator kotoma Obaibuli kere. Mam Edeke iswamanara, mam Edeke iswamator kotoma apak adio, alemun atukos naka itunga kanu aswam idiobore. Elemuni Edeke itunganan idiopet. Erai ijo, idiopet, ijo, itunganan idiopet. Ido mam Edeke ijulanakini akeinapeta. Naarai ainapetaitiKe nasodit, ibusakinit Nges duc asalakin kede ainapetaiit ngin.

28 Kotoma apaarasia nuka Noa, abu kolem etunagan ediopet, Noa. Kotoma apaarasia nuetolomuna Ngesi Isirael kinga, abu kolem etunganan ediopet, nges Musa. Ijeni oni nuka Datan ka luipu luce luatamitos aoomoom, ijeni ijo, ebe "ajaatar kesi da apedor ngipengin" kaiceda. Ijenete yesi nuapotu kiswamaikinos ngul. Apaarasia nuka abunore naka Ejakait, apaarasia nuka Yokana ekebatischen, ka luegelegela, ejaatar Ngesi itunganan idiopet yeniswamatar nepepe. Ido iswamanaros Ngesi kaoni lolo kwape idiopetunganan, mere kwape atukos. Itunganan idiopet! Ebuni araut ijo ka eong ikamunitos akiro, nuka eipone loibwoio oni kakonyen nuka Edeke. Naarai iswamanaros Ngesi kede ijo ka eong kwape idiopediopen, mere kwape atukos najjai oni toma, ido mere kwape ekanisa loka ediini loijai oni toma, konye kwape ijo kede eong kwape idiopediopen.

29 Kwana, Yosua, neajaar atiaktiak akwap, abu koinak aiboisit na neejai Yuda. Luipu kayesi, kijaar eong-eong aceboisio nuwadikat eong ne neejai ngin toma, konye ijeni oni kere nuka ngun, neiboio kalaije k0osoda. Ido arai aiboisit nadit noi naponi koinakinai, Yosua, kotoma atiaktiak akwap, abu koinak ngin neejai ateker naka Yuda.

Kosodi do kwana neadoluna Isirael ocilet lo Yorodan, kwana kotamata aikamun na, neatubunor Isirael toma akwap, akwap naka aisumunet, ajai aberu namoit najjeni oni nuke kwape Rakab amalayat. Ido abu ngin kilip asianut, kosodi adumun asianut, abu kodum asianut bon ebe asalakit ngesi kwap naka ausi narengan. Ido ngol bon nges eipone loapedoria ngin adumun asianut. Arai aanyunet, aanyunet naponi koinakinai nges.

Kijaar oni da Aanyunet lolo, ido iywara oni bon ebe isalakini oni kwap naka ausi narengan, Aokot nuka Yesu Kristo. Kwape itunganan idiopet, mere atukos, itunganan idiopet, oni nginidiopet ibusakinit aiboi kokwap naka ausi narengan naka Aokot nuka Yesu Kristo.

30 Kosodi Rakab na, akaulo nakedeunere nges, abu kitolomik itunga kere toma, nginibore kere yenajai kwap naka ausi aponi-aponi kitajarai. Kere luejaas kwap naka Aokot nuka Yesu itajario, kere luejaas kinga naka Ngin eolioritos ido idarit amudiario. Ido ianyuni oni kwana, kotoma aswam nu...Aso imisiikini do oni kanuka akiro nukolo sek ebe abu aberu na ksuparos kede ekapolon ece loka ajore, mam eong ajeni ekekiror kwape kwana, kotoma ajore naka Isirael. Kosodi awasiake adukokin kede etunganan lo. Kosodete aiboikin toma ne, kosiep naka aiboisiit kana, ido okokuke, Salmon, nges apwakuni Betelekem. Itei ijo, erucokina Imoit kede ngol kageunet ber sek, Amoit, Rakab amalayat.

31 Kwana, ianyuni oni ebe Salmon nges apwakuni eibuga lo Betelekem. Kosodi aurun Boas. Ido Boas nges abu odukokin Rusi, Amoit ace. Ido itupit oni erikot loka ajena kana kwana. Rusi, abu kodum, arai Amoabit, kwape abu ngesi kodukokinor Boas, kosodi abunore toma oibuga lo kotoma apakio nuka asakere akima. Oo, korai oni ajaatar apak atupuruc na, kiton, kotoma ngun, ti eong ajaunos kede apesen naka igoen ikanykape kanuka akaberu, akaulo kangun. Konye eipone ali ebeitor asalakinit toma akirot ngin.

32 Naomi, abwoikinit ekanisa loka orthodox, abu kolosite awai kanuka ebeli, abu kolot ngina akwap nako Moab; bala kwape aisiarakinio naka Isirael, aisiarakin akwapisinei kere. Kosodi do nakebunga ngesi, abu kobong kede Rusi, Amoabit, ido abu ngesi kobong kotoma apak naesakere akima, asakio naka akima nusosit. Arai ngol Ekanisa loka Imo ebuni mama ejai Edeke kotoma apak naesakere akima bobo. Ibus bo lolo aitupuset ngin biai. Kosodi do ngesi ka Boas kwape adukokinar, kosodi okokukec loajenara, Obed, aponi kourikinai ngina, kosodete aurun da. Kotupakini do okokuke, okoku lokapolon, Yese, alomuni kama ajai Obed. Kangina da abu ngol kouruna Daudi, okokuke, abu ekabaka Daudi kolom.

33 Kosesen ber ijo lo ejai alomun kwana. Kama ejai Rakab amalayat, okokuke, nges apwakuni. Kama ejai ngol-kama ejai ngol kolomuni Boas, loabu koyangau Amoit ace. Kosodi do kamaka Boas nges alomuna Yese. Kosodi kane Yese, kamaka Yese nges aurunere Daudi. Kosodete Daudi, kapekanen ko Betelekem kangopekangol, aponi kinyonyokinai enabi loka Edeke, araun ekabala loka Isirael. Iboro lu kere lukomoyo luebwa kakonyen nuka akwapin, eswamasi kalailo kotoma oibuga kalo lodidi loka Betelekem. Itei ijo, ngol nges eipone loiswama Edeke.

34 kwana, amuno eong ebe ejaun kwana Emoyo Lokalaunan kanu ainakin ijo amisiikin nakajokan, ebe mam Edeke iswamaenenei kama ejaas iboro lukapolok. Erai kanuka Emoyo. Ebala Ejakait ebe, "Mere kanuka agogong, karaida kanuka apedor, konye kanuka Ekamoyo." Ianyu? Edeke iswamai kotoma Omoyo kakidkingot naka itunga. Itei ijo, apeteta nu nukapolok, apedori bon Ngesi abunore neejai eibuga lo. Ngin bon nges aiboisit napedorio aurikin Nges. Etupakinit Edeke ekokoro loka Akirotoke. Mam Nges epedori aikunyar kau kama ejai Akirotoke, kediopone kere, kosodi asalakin erai Edeke. Ejai Nges asalakin kede Akirot. Mam epedori ajalakin Ngin. Lolo, italesiowok kaiceda elemarete oni kama ejai Akirot. Kijaar oni italesio ka iboro luiupanakini oni neejai Akirot, luumunaarete nginibore kere. Konye mam Edeke epedori aikunyar awai kama ejai ekokoro loka Akekirot. Erai Akekirot abeit, duc, naarai erai Ngesi Akirot. Edeke

kede Akekirot eraas ipe.

35 Kwana, kianyuni oni kane eipone loabu Betelekem lo lodidi, karaida mam ejenara, aiboisit nadidi mam ajenara noi kaneejai akwap nakokinga, arai eibuga lodidi kakere, emamei itunganen yenapodokinit ngol. Konye kereka kojaatar Edeke kotoma alosikinet ebe...ajaas iboro luce lu kere lueswamasi. Kwana, aomisio nukomoyo epedorete aikamun ngin, naarai abala enabi kangina, itei ijo, abala enabi ebe, "Ka jo da Betelekem, akwap naka Yuda, mam kereka irai loidite kokapolok? Konye tomakon elomuni Ekayaiton loicokiei Ikatunga Isirael." Enabi, abu aijen naka enabi kodum ngin.

Kosesen ngul luimoyoikitos, Emoyo Lokalaunan lolo ingarenikit iboro lu. Nuineras akwapin mam iswamauni aitegelikinet kotoma amwekemwekeke kere. Kosesen Emoyo Lokalaunan kotoma Akirot, ngin nges abunio.

36 Dobodo neabu Yakob kotwania kosodi alimor akeiboisit nabeit aidaikin nges? Kobuni Aburaam, abu Aburaam kogwel atutubet naka amisiri kanu aidaikin akeberu, Sara. Kosodi Aburaam, apak natwania, akoto aidaikiniyo kede Sara. Abu Aburaam kouru Isaka. Isaka, apak natwania, akoto aidaikiniyo kede Aburaam. Kouru Isaka Yakob. Kotwanik Yakob, kalaije ko Misiri, konye abu koinak Yosep (okokuke loarai enabi) aiyapokin nges, kidokokinite akekan otulike, ebe mam ngol abuni aidaikin nges laiye Misiri. Inyobo? Ebalala ebe, "Koyanga eong ngina toma akwap kosodi aidaikin eong ngina." Kosodi Yosep, neatwania kokwap kangina ko Misiri, abu kiner nuka anyoun, ka nuka Isirael anyoun alosit kwape ajaar adwaranut, konye kobala ebe, "Koyangasi akakojo kinga naka akwap kana." Inyobo? Ajenete ebe araito nasodit nuka ajarun abeit anyoun kotoma akwap, kana naarai abala Yob ebe, "Ajeni eong ebe ejari Ekalakunanika, ido kotoma apaarasia nukawasia ebuni aibwo kotoma akwap; ido karaida enyamasi ikur akakuan, konye kotoma akaunika aanyuni eong Edeke."

37 Ajnete ebe araito nusodit nuka ajarun abeit atakanun kotoma akwap naka aisumunet, mere Misiri. Emoyoikitos, araas inabin. Ido neatwania Yesu, kotoma-kotoma apaaran Nakajokan Naikanyet, kosodi ajarun kotoma atupuruc naka Epasika, atupuruc naka Naesabiiti natupakini, ebalala Ebaibuli ebe, "Luipu kotoma lukalaunan luajotoete kotoma apua naka akwap, apotu konyoutu kosodete alomun kotoma atesin, kolosete ore, kolosete toma aibuses kede Nges." Inyobo? Arai inabin ngul kes ajenete cut becebec neabeit aidaikiniyo, toma aiboisit ido kotoma apak. Aponi kibwaitete kotoma akonye nukalukacoa. Konye ajenete inyo-inyo, asesenete kesi ewai loka Emoyo. Araito nusodit nuka ajarun abeit alomun ko Palestine, mere Misiri.

Kwape kwangin ejaar lolo da, ipapero. Itunga luipu edongakina neejaas iboro luka akwap, arai eswamae ece lokappolon arai icebore. Kidaikinai eong neejai Yesu, naarai ngul luejaas toma Kristo eyangauni Edeke ka Nges kotoma ajarun kangin. Ido mam eong apodo nuebala akwap, arai etamitos kesi biai aitubusiar iboro. Erai Kristo, ngul luejaas toma Kristo kes eyangauni Edeke ka Nges. Aijen nakomoyo ikamuni iboro ngul lukomoyo.

38 Kane abala enabi ebe, "Yerusalim lodidi, mam kereka ijo irai lodidi kokapolok kere luka Yuda? Konye kotomakon elomuni Ekayaiton," mere kotoma oibuga lokapolon loeomiara, mere kotoma okanisa ece loejenara arai icebore, neapotu luka Methodist, Baptist, Presbyterin, Ipetekotin, arai ice kere kogeuniata. "Konye kotoma lodidi kalu, kotoma aiboist naedit ajokis nges etolomuna eong aiboisit na, Ekayaitonika loka ikatunga."

Konye lolo ikoto oni atemar ebe, "Apotu lukapapakosi kiswamata nu, kosodete lukapapakosi aswam ngun." Itei ijo, epalunit Edeke nginitutubet kere naka ngun. Iswamai Edeke nuekoto. Kosesen ekokoro loka Emoyo, kosesen eipone loesiomar Naiwakaere. Mam kes ejenete ngun. Konye, itei ijo, Naiwadikaere nges edolit. Duc, edolit Edeke.

39 Enyonyoikinitai Daudi enabi lokapolon, ajeni iboro eroko edoluna. Ido arai ngina nges abu ikinyomitike yenapolon yenomoyo yenesumunikitai...naarai abu Edeke kiyapo aiyaposit, ebe abuni Ngesi aitajarun Kristo kanu aiboikin oicolong loka Daudi. Aso aibodo bobo abeit Kristo aurikiniyo? Ne nges aurikinitai Papake, PapaaKe, Papaake papaKe, papaake apapaake apapaKe abongor kau. Itei ijo, Iketunga kotoma okokoro loka Imo eyangaunio toma. Ido kwana abala Ebaibuli ebe, "Epote Imo amunokin Ekekiror."

40 Itei ijo, ejai kere ayangaunio toma tetere yesi ianyunete. Ikoto oni asalakin nen ipak edit kasodete adaun apak kotoma ngun, kasodi aitodikin yesi kanukiinyo araar Imo, konye ajeni eong ebe aomisio nukomoyo erasakini aikamun na katipet kwana; naarai, kwape eraar nukatoto, ido mere lukapapa. Kwana, kanu naarai arai-arai aberu, Ateran. Imo kes iswamaunete, Ateran, ebuni araut naka Imo. Imo, "Elemuni Ngesi itunga kotoma Omo kanuka Ekekiror." Erai ngol Ekekiror. Abu kolek aberu, itei ijo, kotoma Omo. Ido kwangin nges abeit ajaun, abu aberu kolom toma, ekanisa, ido arai ngin...araas Imo, nukatata kokau kotoma okokoro loka ikinyomit.

41 Kwana, kwape ajaar Isaka okokoro loka ikinyomit koiponece. Kwana kojen nu, Ianyuni oni kolo ebe ajaatar Daudi aisumunet na naka okoku. Kwana, kianyuni oni eipone loeriakatar ngin bobo kede Isirael. Neabu Isirael...Arai esumunikitai Aburaam ebe ikeur, nabuni araun, kotoma aurike abuni alomun

Eketajaran, ido abuni nges araun papa loka ateker. Akeur naka akuan, ejena, arai Isaka, ido abu ngin ibiror. Konye Aurike nakomoyo, kanuka aiyuun najaatar ngesi, nges alomuna Kristo, nabu kitolom toma atekerin kere.

Eebo, kwana ibore ngipengin nges itirianitere bobo. Aur naka Daudi naka akuan arai Solomon, ido abu ngin kibiror kwape abu aur nace ya naka Aburaam kibiroror. Abu kodum angor nuipu noi ido, ibore yenisodit yenijeni ijo, apotu ngun kiriasi eketau awai kama ejai Edeke. Ido eipone loabu ngesi kolosio kosodi aibiror, abu kotwana koipone kangol, ibiroro. Abu Isirael kotwana kwape kwangin, ibiroro.

42 Konye ianyuni oni ebe Aur na nakomoyo, naesumunikitai kede aur naka akuan kwape ekokoro loka aur naka itunga lueponitos kotoma Aburaam, konye kwape abunio akabakanut kotoma aisumunet nakomoyo naka Daudi. Ido aurikinitai Betelekem. Ido aponi kinyonyoikina nges ko Betelekem. Ido ianyuni do oni ebe neaurunere Aurike obe naka Akabakanut, Ekeruman loka eicolongoke, kotoma oibuga kalopekalo, Betelekem lodidi. "Irai ijo lodidi kokapolok luka Yuda, konye kotomakon elomuni Ekayaiton loebuni ayait Ikatunga."

43 Kotoma otaun kalo lodidi, awi, awi naka oibuga kosiep naka ariri naka ecor, arai abua kotoma ariri naka ecor, ido kangina nges abu kolomuna kotoma okekiake, Ekabaka loka Ainapakin, loaurikinio awi, toma atuba naka-naka abilo naeboie kanenice, kotukonoro ebolia kotoma aculuren, kaceda, konye kotoma kanen nges abu Ekabaka ngol lokapolon kolomuna, Aur naka aberu, konye kotoma kangina nges abu Eketajaran kolomuna loka akwapin, kotoma kangin anges abu Yawe elopet kobunio, kotoma ojautene loka etunganan, abu kolom kotoma awi naka adoketai nakokwap ko Betelekem. Mere kotoma ore loka ekabaka, loeurikinitai okabakane; konye kangina abu kolom kotoma aiboisit naejasara, atukos naka ebolia kokwap kotoma kangina, ido emukoritai Nges kotoma kede amyilunet naka egoe. Kwape ebalar einono, alemunitai kotoma ajokot naka imongin neetwasamananatar kwi akorio kede.

44 Itunga lukican! Yosep ka Mariam, kere ecanas noi, ido kane ajaas kesi awi na. Eipone loijesaror Edeke kwap! Ido itamit oni aitarauun awokowat kwape icebore yenapolon. Mam ijo iseseni eipone loitidisiaror Edeke kosodi aitarauun iboro luemamei ajokis, tetere kitodolikini aisumunetaKe nukapolon. Eipone loarar ebe Yawe eperi atuba, kimukoritai kotoma ogoe loalemunitai kokau naka ajokot, omorosing loka ajokot najaas imongin. Kosodete aimukor Ekabaka loka ainapakin kede ngin! Ikatunga! Lukangai bodo oni? Inyobo do ibusakinit oni adumun? Arai epedori Edeke aitidisiar koipone kangol, mam kereka ibusakinit oni aitidisiar kanu araun ibulesiniKe, arai abu Ngesi iswama iboro kwape kangul? Mam kereka oni ipedori aimurwokin awokoyongio nakapolon ka iboro luka akwap, kosodete atubor kotoma ngul, kasodete aitidisiar kakonyeneKe kotoma obaga kalo? Kasodete araun...Aitodikin Nges aisiayalamikinetewok naka aurio kangin ido aiyapaara ngin, koipone loka aitidisiar ka aijaun Akekirot. Mamace nuebala einono, erai Akekirot nges epol. Ngin nges ebuni Ngesi ayangar, Akekirot, ido Ngin bon.

45 Kwana idumuni oni ebe, awi na, arai ngina nges aponi kowoikinere ekosio losodit loka ebaga kotoma akwap, ido Imalaikan kes awoete. Koomoom ber ijo ngun! Ekosio loka ebaga losodit, mam awoitai kotoma ore loka Kaiapa, mere kokanisa ece lokapolon neajai ecokion lokaumokin, konye kotoma awi ko Betelekem, lodidi kakere kotoma ngul. Konye ekosio losodit loka ebaga Imalaikan kes awoete koibuga lodidi loka Betelekem. Kiany ijo nuapeleikinit eong?

Mamace arai icana ijo biai, arai idit ijo arai emamei ijo-ijo ajokis biai, epedori Edeke aitwasam ijo arai kicamak ijo Nges aswam ngun. Ekoto Edeke ijo. Mam Nges ekoto ijo ai...mam eyangaikini ijo ajaut toma atukot nakapolon, anapetai ace nakapolon, einacane ece lokapolon, arai idiobore kere yenerai ngin, mam ngin erai ibore kama ejai Edeke. Ekoto Edeke ijo! Ido arai ijo...Arai ipupi ijo ebe ipol ijo, kolema aipup ngin kama ijai ijo. Ekoto ijo alemar ngin kinga. Ibala ijo ebe, "Eebo, ijeni ijo, kijaar eong Ph.D., LLD." Isukunyari bon ngin ijo neelwana kama ejai Edeke. Kimurwok ijo ibore ngin. Kobong neejai Edeke. Kobong neejai aiyapaara naka Emoyo, ka amin naka Edeke kosodi ayangar Akekirot.

46 "Ido arai kinalak ijo tomaKa ka Akakirot da tomakon, kilip do idiobore yenikoto, iswamaikinio ijo." Abu Edeke kisumunikite ngun. "Arai kilimokis erongat lo, ebe, 'Koukor,' komam ibunonokin kotaukon, konye kiyuunite nuibala ijo." Ngin yeneyuuni Eong, aswamisio nueswamai Eong iswamai ngesi da. Iswamai adepar ngun da, naarai alosi neejai Papa." Eumokina aisumuneta!

47 Ejai ibore yenekadak kanenice. Nuitamit oni aswam nges aijer ngin kosodi aiswamaun icebore kokuju kangina, aibwaikin aturo ka aibuses tomake, ido imunaari oni ngin kwape keswamakinatar akwapin ebaga. Edolit ngin! Korai oni apedorete alemar awai amwekemwek naka iboro kalu, kosodi aiyapaara abongun toma otauon luka itunga! Korai oni apedorete ainyakun aiyapaara neejai ebaga naka loebeit ngol araut! Mere apaaran naka agwelanar, mere akimian ka iputosio! Konye abongor toma aima Edeke loka esube Loabu kolom kotoma awi kosodete aurun kwape Imukeru, Edeke eraun akuan ido kiboiororoi kakidingotowok! Korai oni apedorete abongun nen, anyoun awai kama ejai amwekemwek ka iboro lukapolok. Mam Edeke iswamanara kede ngin cut.

48 Ibala ijo ebe, "Eebo, arai eong loka erioget lokapolon kakere." Isukunyari ngin ijo neelwana noi kama ejai Edeke. Ibala ijo ebe, "Eswamai eong nu, ngun." Iyatakini do ngin aisukunyar ijo neelwana noi.

Ekoto ijo aitidisiar kiton nakianyunia ijo ngun, kiton, ebe, "Arai kisalalak tomaKang ido Akakiro da tomakon, aso ilip idiobore kere yenikoto." Ibore yenitamit oni aswam, katipet napijaikini Edeke oni akiru adio naka arerengusio, itami oni aijerakin ngin kere kasodete adumun itunga lukapolok toma ngina luelosete aiswamau ikiroria lutiek lukapolok kosodete alemar loce je. Kogeuni ediopet alosit kowai lo ka owai ngol, kojalakini Edeke ibore ngin kere. Ibore yenipuda oni lolo abukokinio naitetet naka Emoyo Lokalaunan toma otawon luyapaara. Ipuda oni ebaga lokabeit, aiboisit naeurikinitai. Korai ijo komisiik ebe mam ijo irai ibore kidimarai etogo! Mam Edeke abu kolot Yerusalem, Silo, arai Ramot-Gilead, abu kobu awi namunaara. Kicamak ijo Edeke, ijo abunore...kosodi amisiikin kotomakon ebe mam ijo irai ibore kidimarai agasia naeur. Konye kisukuny, kongaa ikekiakon, nakirenganaratar aiboisio nu nukapolok Nges awai, kongaa ijo ikonikekia luka atuba naka otawon kosodi acamakin Yawe alomun toma nen, kosodi asesen nuiswamaunos, naarai erai Ngesi Akiro. Abala Ngesi ebe, "Arai kisalalak ijo tomaKang, Akakiro da tomakon." Erai Ngesi Akiro. Kocamak Nges alomun tomakon, kosodi asesen nuiswamaunos. Aso do kilip idiobore yenikoto ijo, ido iswamaikinio ijo.

Eebo, arai ngina nges apotu Imalaikan kowoikinatar ekosio losodit loka ebaga, ikar luipu kau. Ido neabu Ngesi...

49 [Kinerja onac ece kotoma angajep ace. Koinakini icetunganan aijulunet. Aiboisit naemamei ibore katepu-Ekewa.]

Ido kwana ijeni oni ebe ibusakinit aisiraret ngin korai naepol noi, ebe akoto Edeke alimun ngun, arai mam mam ti Nges ebelun kotoma aisiraret kanu aswam idiobore kwape kwangin. "Kitidisiar kokwap naka akanin nuka Edeke," nges arai aisiraret naka ngin, ipapero.

Kwana, Papakosi lokotoma Akuj, ijeni isio ebe irai Ijo acoa kere ido iswamai Ijo nginibore kere ejok. Ilipi isio ebe iinakini Ijo kwana ebe eraun na aisiraret neejaas itunga, tetere kes abeit cut kitidisiar, isio kere, kosodete abunore kwap naka akan naka Edeke lokapedor. Aititingikin aijarakosi mamaKon, Papa, ebe kiinakini Ijo nu mamakosi. Kokiror loka Yesu, Okokukon. Amen.

50 Kwana, kanu ainyikokin, ajai eong enera nuka apak nawoikinere ekosio losodit loka ebaga, Imalaikan kes awoete ko Betelekem Lodidi. Ngina nges aurunere itunga lu kere lukapolok. Ngina nges aurunere aisumunet naka Ekabaka. Ekabaka loesumunikitai loabu kobu nen. Kwana, akirot...kanu aisuburikin atipet kwana, aso mam eong abuni aitaar yes adaun aojau. Aisumunet, arai akirot nges na, akirot "Betelekem." Atiakatiakata ber oni ngin. Abu eong elam akiro adis nnewadikat eong tetere ekamuni apak. Kwana, Betelekem. Akirot ebe B-e-t akepolou "etogo." E-l akepolou "Edeke," kotoma Aburanian. E-l-e-k-e-m erai "Emugati." Betelekem, "etogo loka Emugati loka Edeke." Ngin nges apolou naka akirot kangin.

Akiro, ikiroria, ejaatar apoloukec. Itunga luipu mam iyuunitos ngun, konye erai abeit. Arai mam ikiroria ejaatar apolou. Inyobo abu kiyangaikina ekiror loka Abram aijulakin kiton araun Aburaam? Inyobo ainakini Sarai aijulakin araun Sara? Inyobo ayangaikina Saul aijulakin kiton Paul? Inyobo ejulakinor Simon kiton araun Petero? Itei ijo, lu kere ejaatar apolou, nginibore kere ejaatar apolou.

51 Ido ekiror Betelekem akepolou "etogo loka Emugati loka Edeke." Kwana, ibecokina ngin biai kede Yesu, Emugati loka Aijar Namam Edaun. Kristo nges Emugati loka Aijar. Oni kere iyuunit ngun, biai mam? Eipone loibecokinar Betelekem ngin, ere loka emugati kotoma akwap, arai eibuga loka emugati loka Aijar Namam Edaun. Ngin nges apolou abeit Ekabaka aurunio kangina. Ebala ebe, kotoma Yokana Lokalaunan 6:35, "Arai Eong Emugati loka Aijar loabuni kama ejai Edeke kotoma Akuj. Apotu lukapapakus konyamata emanu kotoma amodingot, ido apotu kere kotwakata. Konye Emugati lo, arai kenyam itunganan Emugati lo, ejari apaarasia kere." Aso, Yesu nges Emugati loka Aijar, aso ajai Emugati loka Aijar alomun ko Betelekem. Ngesi erai Emugati loka Aijar kanuka alosit, kwape bala Isirael. Abu Edeke koinak Isirael emugati loabuni kotoma akuj, kanuka alositekec, kwape kalosito anyoun neapotu konyouniata ko Misiri alosit akwap naka aisumunet. Emugati, kuare, etepunenei kwap kotoma akuj. Ido abu Edeke koinak oni Emugati loka Aijar kanuka alositewok, abu kobu ko Betelekem, etogo loka Edeke loka Emugati. Koany eipone loabu kojaunor? Ekoto korai nen nges enyaritere ekiror ngol ebe, Betelekem, "etogo loka Emugati loka Edeke." Aso eipone ali apedoria ti Ngesi aurunio ko Yerusalem? Eipone ti ali aurunere ti Nges ko Ramot-Gilead? Itei ijo, abu kobu neajai Ekekiror, "etogo loka Emugati loka Edeke."

52 Oo, koany, adumununei Isirael emugati lokitetet nginikuar, loabuni kotoma Akuj, kanuka alositekec. Kristo nges Aijarawok, Emugati loka Aijar, ido nginipaaran idumununei oni aitetus kama ejai Kristo, kotoma Akuj, Emoyo Lokalaunan ijusun kwap neejai ekeyuunan nginipaaran. Loitet!

Akiro nuapotu kiswamaikinos ijo bian, luipu kaoni ijari kede akiro nuiswamaikina oni bian. Mam ibusakinit oni aswam ngun. Erai nuiswamasi lolo! Ngin nges ationis kede idiininiwok, ejarete kotoma akiro nuapotu kiswamaikinos Wesley, toma akiro nueswamaikina Dwight Moody, Finney, Sanky, Knox, Calvin, luipu kotoma kngul kokau kangina. Ejarete kesi kotoma ngun. Konye, kiitu, ebe, ebirun emugati, kosodete kesi aitam aidar ngol, amunaar ngol, alomarete ikur toma, ikur ludidik. Ido ngin nges ationis lolo, atanin nueisete, aijar kotoma omugati loemunaara.

53 Ibusakinit oni ajaun kede icebore yenitet kama ejai Kristo, Akekirot lolo naka esawa kalo. Ianyu? Erai Ngesi aitetusiwok, Emugatiwok loibirunun nginipaaran kotoma Akuj neejai ikeyuunan. Erai Ngesi Betelekemuwok, Etogo loka Edeke loka Emugati loka Aijar Namam Edaun. Eurikinitai Kristo Betelekem, kosodi araun Etogo loka Edeke loka Emugati loka Aijar Namam Edaun. Erai Ngesi Emugati loka Aijar. Erai Betelekemuwok. Kristo nges Betelekemuwok. Emugati loka akuan enyaritai "ebela loka aijar." Inyarit oni emugati loka aijar, kwape bala emugatiwok loka aica, ka iboro luidumunenei oni, enyaritai ebe ebela loka aijar. Yesu nges Ebela loka Aijar loka Edeke, Ebela loka Emugati loka Aijar kanuka Aijar Namam Edaun. Kwape kenyaritere ebela loka aijar ebe emugati, Yesu, kwape eraar Emugati loka Aijar, erai do Ngesi Ebela loka Edeke loka Emugati loka Aijar Namam Edaun mamawok. Ianyu?

54 Mam oni ipedori alosit, ibusakinit icebore kotwana tetere oni inyami. Atupuruc na inyamit ijo, inyamit ijo ibore yenetwanit. Arai mam icebore etwani, akepolou mam ijo ipedori aijar, naarai ijari boni ijo kede iboro lukatwak. Arai kinyam ijo akiring, abu epege kotwana. Kinyam ijo akiring naka epege, abu epege kotwana, ejena. Ido arai kinyam ijo akiring naka akiteng, abu akiteng kotwana. Ibala ijo ebe, "Konye anyamit eong emugati." Akepolou abu engano kotwana. "Inyobo, anyamit eong ikwi." Apotu ikwi kotwakata. Ijari bon ijo kanuka iboro lukatwak, ido ngol bon nges eipone loipedoria ijo aijar.

Aso arai bon ipedori ijo aijar kotoma akuan, kede iboro lukatwak, ajai icebore atwanare kanu ijo aijar kotoma akuan, biai bo do abu Icebore kotwana tetere ijo ijari ikar kere! Abu Kristo kotwana, tetere oni ijari ikar kere. Kosodi araun Etogo loka Emugati loka Edeke loka Aijar Namam Edaun, loikamunenei oni, kaitetus, ngolisawa loka apaaran, loebunit kama ejai Edeke kotomaa Akuj, kotoma ojautene loka Emoyo Lokalaunan, itani itauonowok lueyarit etengei kwape kiboio oni nepepe kotoma aiboisio nukotoma Akuj. Erai Ngesi Betelekemuwok.

55 Kwangin do idwe kere luiyuunitos luka Edeke luiyuunitos cut abeit eurikinitai Betelekem, kede Nges. Arai abu Kristo korau Emugati loka Aijar, kanu aurunio ko Betelekem, loerai Etogo loka Emugati loka Aijar, akepolou nginidiopet luka ikeyuunak lukabeit kotoma Kristo eurikinitai toma Kristo, eurikinitai toma Betelekem naka Edeke. Amen. Aso, Yesu bon, nges aponi kourikinai Betelekem, aurikinitai eong Betelekem, kiurikinitai ijo Betelekem. Eipone ali abu ijo kiswama ngin? Kanepokane ko Phoenix, Arizona, atupuruc na kotoma Ramada, ipedorio ijo aurunio bobo toma Betelekem naka Edeke, Etogo loka Emugati loka Aijar Namam Edaun. Konyam kosodi aijar ikar kere!

56 Kanukiinyo araar Betelekem, lodidi? Erai lolo ebe, "Inyobo araar atukos naka lukalaunak luibelibelos? Inyobo eraar lu, ngul arai kwi?" Mam itunga ejenete kanukiinyo eraar kwangin.

Konye epukori Emoyo Ngin. Itoduni Akirot Ngin. Erai aitodiaret naka Akirot naka Edeke. Kijaar oni Aijar kotoma Kristo, ido Nges bon. Iriongetawok, idiininiwok, atiakiakaetawok, etiakarete bon oni kama ejai Edeke. Engaara oni erot mama ejai Edeke, ido erai ngol kotoma Kristo. Emamei bobo ecepone loipedoria oni abunore tomaKe; mam erai kanuka esasedoti edio, ekalimonokinan edio, eswamae edio, arai idiobore kere; Yesu Kristo bon ido Nges ibubukinitai. Erai Ngesi Emugati loka Edeke loka Aijar, ido kiurikinitai oni tomaKe. Ido arai erai Ngesi Emugati loka Edeke loka Aijar, akepolou erai do Ngesi Betelekem. Ido kiurikinitai toma Kristo, kiurikinitai oni mama ejai Edeke kotoma Betelekem, kotoma Kristo Yesu, iboie kotoma aiboisio nukotoma Akuj, anyamete iboroKe. Anyamete luikamunitos Nges! Ingai bo Ngesi? Erai Ngesi Akirot. "Ageunet ajai Akirot, kojai Akirot mama ejai Edeke, ido korai Akirot Edeke." Ido nakipedoria oni aiboikin kede ibore idiopet, Akirot naka Edeke, kasodete ainyam Ngin, ijai do oni toma Betelekem naka Edeke, anyamete Emmugati loka Edeke lokomoyo, kobongonokinete iwokotauon nginikirot nainerit Ngesi, kede "Amen!" Inumunumei oni Inyammat lu lukotoma Akuj luka emalaika.

57 Naketemaria Ngin ebe, "Etupanakinete aanyuneta nu ngul luiyuunete." Etemari etal loka ediini ebe, "Oo, mam erai kwangin." Konye etunganan lokabeit loeurikinitai Betelekem, etemari ebe, "Amen!"

"Aswamisio nueswamai Eong iswamai yesi da." Ebala ediini ebe, "Erai atukos naka asubanakineta nuiswamaunitai." Konye itunganan yeniboie ko Betelekem etemari ebe, "Amen," naarai isimonikina, eraas Ngul Inyammat luka emalaika.

"Arai kisalalak ijo mamaKang Akakirot da tomakon, kilip nuikoto kere, ido iswamaikinio." Amem.

Oo, luikiara ka lukacoa mam eanyunete. Idongakina oni noi neejaas italesio luka imakio, noi kiton ebe ejai oni aitingit akaadi ka nginibore kere kanu alomar toma olutaari ece. Mam erai kwangin. Ipedori ijo alomar olutaari loka Edeke koipone loka aitidisiar. Kobua toma Togo loka Emugati loka Aijar, Yesu Kristo, kosodi aijar apaarasia kere kotoma Akonyene kasodete aikeunio toma aiboisio nukotoma Akuj kotoma Kristo Yesu, anyamete Akirot. Ngin nges Betelekem.

58 Imwaasi bo ai kaoni ejaas tomaKe atupuruc na? Imwaasi ai ecamunitos aijal italesiokus, imwaasi bo ai ekapakina aimurwokin isaaanakus lumam ecamanara kede Akirot? Inyobo imameotor oni kede aisikwarunio? Inyobo mam oni ijaatar iboro lu elosete ngaren? Inyobo ationis kede Pentekosit. Araun erionget. Ikoni nen. Mam ijo ipedori aitarauon Pentekosit erionget. Konye Pentekosit erai arereng, erai Apedor naka Edeke. Ido arai erai Pentekosit nakabeit, mam cut epedori ainac Akirot kanuka etal.

Ayangari Akirot. Eebo, naarai ekepitai kama ejaas akwapin ka iboro luka akwap. Iboie bon kotoma Akirot naka Edeke, ido iyuunit Ngin. Ijai oni Betelekem, luikapakina kanuka Ajakaanut naka Edeke. Inyami oni Emugati loka Edeke loka Aijar Namam Edaun, kotoma Otogo loka Edeke. Oo, ikatunga! Kiurikinitai Betelekem, kiurikinitai oni, atupuruc na, kiurikini oni toma Yesu Kristo, naarai Nges erai Betelekem loka Edeke. Yesu nges Etogo loka Emugati loka Edeke loka Aijar Namam Edaun.

59 Erai da bobo Ngesi Akipiwok nuka alosit. Kwana, ijeni oni ebe erai ngesi Akipi. Kwape Isirael korot, arai apotu kinomata atiida kosodi ekecemugati aijesun kwap kotoma Akuj, konye aponi kinomai atiida tetere kes emasete kamake kanuka aingarakina aijarakec kotoma orot. Abu Edeke kinom atiida, arai abu koinak Musa aswam ngun, enabiKe, abu inom atiida. Inyobo ngin? Apukor atiida. Arai...Arai Atiida Kristo. Ijo iyuunit ngin? Eebo. Arai abu enabi kopuko atiida tetere aijar elomuni kinga, aso, arai erai Atiida, lolo ipuda oni Emoyo Lokalaunan kotoma otunganan ece loebuni ainom Atiida, amen, kosodi ainakin Akirot alomun kinga, naarai erai Ngesi Akirot.

60 Itubor oni kama ejaas italesio ka aimat akipi nuebwaaritos kotoma atanin. Ibore yenipuda oni lolo nges apukorio naka Akirot naejari, ido Ngesi ngopengol bian, lolo ka ikar kere. Mam Nges ibironor. Epedorete kesi anyara ngin ebe amunaar naka akwes, epedorete kesi einer nuekotos kere, arai imoyon, arai-arai ajokit, bon ebe elelei Akirot ngin kaiklajaara ido kitolomunenei cut becebec nuabala Ngin ebe abuni aswam, erai Ngin Apetetai kotoma togo loka Daudi bobo, ko Betelekem, neeraar Yesu Kristo nges ngopengol bian, lolo, ka ikar kere neejaas itungaKe luiboiete ko Betelekem. Aijar kede Ngin, aijar kotomaKe, erai Akipi nuka Aijar nuka alosit kanuwok kwape ajaatar Isirael.

61 Adiopet kotoma akiro nuabu Daudi kitor toma, arai ikoto ijo aisiom nuikamunitos ngun kotoma Samuel lokiareit 35:15, ageun, isiomuni oni ebe Daudi, kwape aponi kourikinere Betelekem, konye abu koraun loengeritai. Oo, ikoni bo lolo ai asesin ngin! Atukokina Ipilistian alukun kotoma apak kangin, kotoma akwap, naarai Saul, etunganan lokapolon loabu kitolomik Isirael kere toma adiakar, kosodi aibiror awai kama ejai Edeke kosodi araun lokasurup loka Edeke, ido ajakasi elukunitai, erimoritos Ipilistian alukun Betelekem. Kosodi Daudi, atamit abongor oreke obe, mam apedori aswam ngun, ajai laiije amodingot naarai abu ngesi koraun loengeritai kama ejaas itunga, arai, aponi kirengearai kangina.

62 Ibus bo lolo aput ngin biai naerai naka Kristo lolo, loengeritai. Erai Ngesi. Kwana, ibala ijo ebe, "Mam ngin epedori araun kwangin." Eebo, arai iyuunit ijo Ebaibuli, erai. Abala Ebaibuli, kotoma Atur naka Ekanisa loka Laodikia, loajaar Kristo kinga naka ekanisa, ikungukungi [onangi Onac Branham elutaari-Ekewa.] kotamite abongun okanisaKe obe. Ibore yenengeritai nges ibore yenejalitai, egiritai. Ido Akirot ka Emoyo Lokalaunan angeritai. Edolit ngin. Mam ijo ipedori alomar toma ngina. Arai ikoto ijo adumun Nges, ekotokin ijo alomun kinga naka nen kanu ijo adumun Nges. Ekotokin ijo alomar kinga neejai Ngesi. Mam Nges epedori alomun toma. Esipokina kesi toma otalesiokec kiton ebe mam kes-kes epedorete acamakin ijo alimonokin iboro ngul, mam kesi ecamakineti ijo aiyuun iboro ngul.

Ebalas ebe, "Iyuunit ijo ebe Ngesi ngopengol?"

"Oo, kotoma oiponece, erai Ngesi ngopengol." Kwana, mam do ngin erai aijar kotoma Betelekem. Mam, mam. Erai ngin aimat akipi kotoma atal naebwaarit, kokau kangina, amugati lomojong loemunaara loabu kibirun ikar luipu kokau. "Inyobo abu mutan kobala kanuikamunitos Ngin?" epedorete ngul kodolitos kotoma apakikec. Erai na apaaran ace. Erai na apaaran naka Ejakait! Erai na acetur naka ekanisa, mere Peladelupia. Erai na Laodikia. Erai loengeritai, ido araun Kristo loengeritai kotoma okanisaKe obe, aremor kinga. Erai Ngesi elongwau.

63 Epedori Ngesi aijesun kwap cut kosodi aswam kakidingos naka itunga, kosodi aswam ibore ngipengin yenabu Ngesi kiswama kokinga kangina, kobala ebe abuni aswam ngun kotoma apaarasia nukawasia, ainakin aanyununeta ngupengun ido iboro luabala Ngesi ebe abuni aswam kwape ajaar apaarasia nuka Sodom. Ijeni oni nuabu Ngesi kiswamaik Ekanisa kangina.

Iseseni oni Billy Graham, kwape ajaar. Ikiyakia ngul apotu kolototo kwap ngina toma okanisa loka ediini, kosodete alimonokin kokwap kangina, kosodi kangina anyaraun ngul kinga, alimokin kes aiyuun Akirot kosodete alomun kinga ko Sodom.

64 Mam atukos naka Aburaam ajai Sodom, adaunitai kes anyaraun kinga. Kosesen Emalaika, nuabu Ngesi kiswama kangina kanukec, kanuka aanyunet, loapotu kesi kojenutu. Ido ibore ngipengin epedorio aswam, kosodete itunga atemar, "Oo, eebo, mam iyuuni Ngin." Inyobo? Inyobo? Naarai etarutu kesi Kristo loegeritai kama ejai erionget, eraas kpesi ilongwau noi kama ejai Ngin, Ipetekotin ka kere nepepe. Kwana, erai ngin cut becebec Abeit. Ajeni eong ebe ekwacari ngin. Konye, kopupok, arai idiobore yenepedori... Arai-arai erai Abeit, ekwacari. Ido edolit ngin. Ebeit korai Abeit.

65 Kwana, kwana kosesen Daudi, neajaar ngesi kwap ngina, abu Daudi iruja nuekamunitos aipikonorike nakapedor. Ajai ngesi toma abua, iboie kokau, ido korai kokau cut, nepetai amairon atomon ka lukany kinga naka eibuga. Kosodi ngesi alomun kosodi amisiikin ebe kangina, oibugake obe neaurikinitai nges, ido aiboisit naponi kinyonyokinere nges kwape ekabaka, ka-kaceda kangina.

Ikaboiororok kotoma Isirael, kotoma apaarasia kangun, icebore kwape ejaar kwana ko Germany. Ejaatar kesi ibugai ludidik. Kosodi do iboiete kesi koibugai kangul kanuka ayuara kosodete ayangar amerekekin ka ibaren kinga naka akwap kosodete aitanyam ngun, kosoete ainyakun toma. Ido apak nakatibong, aibwaikin kes toma awi.

66 Kosodi Daudi, napeseseni kwap toma oibuga, abu kogeu aaitun aswamasio nukapedor nuabu Edeke kiswamate kamake, aipikonoreta nukapolok nukapedor nuabu Edeke kipikonorite kitwasamai nges. Eipone loabu ngesi kapaaran adiopet neajaar ngesi kede ekemerekekin kokuju kangina komoru neajai ngesi, eperi kotoma amelo, kaceda, abu adubu kolom kosodi aikamun adiopet kotoma amerekekin kosodi ayangar. Kosodi ngesi atupakin, kosodi aiyar adubu. Abu Edeke koinak nges aipikor naarai etitingikit nges papake aidar amerekekin ngun. Arai ngin ake-akeswam, aidar amerekekin!

Wuu ecokion, ekonipelu ngol! Ido enyamete kesi Inyamat luka amerekekin, mere ainapeta nuka ekuse loka ikwamin. Inyamat luka amerekekin, Akirot naka Edeke!

Abuni icetunganan kosodi aikamun adiopet, okeri kinga. Alomuni icetunganan toma kosodi aikamun adiopet kosodi ayangar kinga, akerikini ngesi atupakin ngol. Abu Engatuny kolom toma kosodi aikamar adiopet, akerikini ngesi atupakin. Mam nges enapakin kiton nakedumunio.

67 Abu ngin koinak ngesi aipikor ngin nakapolon apak adiopet, neabu koanyunia Isirael kere elukunitai. Itei ijo, ajai Isirael epupenenei italesio kere ka nginibore. Kesi kere apotu, kesi kere alosete okanisa. Kesi kere akepitai. Kesi kere alosenete neejai esasedoti kosodete adumun akecererengusio eroko eloto ojje. Konye neadolokina aitodiar, naka apedor naka Edeke, kesi kere, nginidiopet, ikuriesik, naarai apotu koanyutu ebe ajai icebore yenikasurup. Ido amameotor kesi atiting, amameotor ibore yeninyarit ti oni lolo, akirot naka orot, amameotor ibore yenelosi alemun ngin. Ajai ibore yenamamei. Mam apedorete alomar kinga ngina kosodete atereikin kede enepelit. Inyobo? Konye kesi kere esirerengit esasedoti. Ajaatar arerengusio nukalaunak komamakec, ido apotu kokukonokina ido aticepak kinyonyonokitete kede akipi nukalaunak, ka idiobore kere yenarai ngin, ido kangina ajaas kesi ebwoete kangina kokinga. Konye neapoloror aitepegio, amameotor kesi ngin. Abwoi Saul kangina, ekaanyanaran lokapolon arai episikooi, ebwoi kokinga kangina, ikeuna akou ka ikeperin adepar akejore.

68 Kosodi ainakin ainingosit, abu Goliat koinak ainingosit, kosodi atemar atiar, "Arai kaar eong nges, ijaanakinete do yesi isio. Konye arai kaar ngesi eong, akepolou ijaanakini do isio yesi." Konye apol lokasurup noi. Ajaatar ibokor luka ipuutin itomon ka luongon, eraun do nen inches akaisaarei ka lukanykauni alalau naka akekan. Koany ber ijo akan najaatar ngesi! Ekepiso, episo loka ekadonyon, bala kwape akekware naetingit ngesi. Kosodi aomoom eipone loatumitor akekou, erai bala kwape akalaya. Ido kojai a-akopiira (helmet), naka abatirir naka inch ediopet arai iarei, naka aisinit, ikaja kokuju akouke. Kosesen ber ijo ebuku, atutuben nuka ebuku bala kwape ediopet kotoma odirisian kalu luka alabiroi, neapedoritor ngesi eiyeng ka aikuny, eipone ngol nges eswamatar ibukui. Kede ekooti ngol loti ikaja kamake, aticepak apedori korai loka alangir naka ilatirin akwatat, arai ilatirin akwataarei, loka aisinit, ikaja katorobuke. Itingite episo, akwara kakanike, aticepak naka aojau naka ipuutin ikany.

Ibore yenedepori lokasurup aswam neewomitor ngesi ebe ejaatar ibore yenedeparitor ijo! Nuewomit ngesi ebe epedori aswam, eipone loeomianaror! "Atuboros apaarasia nuka nukapedor. Mam ijo ipedori aikunyakini nendio kede ibore kwape kangin."

69 Konye kobuni ikesa yenididi yenepwokuna yenamameotor aijen adio naka asioman akiro nuka ediini, konye ajaatar aijen ebe aroko Edeke esalit erai Edeke. Ericit Edeke Akekirot. Kobuni ngol kane. Kosodi atemar atiar, "Kidareu ainakini eong ijo ediguri loka etatai."

Abu konapak akekopiira kokuju akouke, ido kolosi ngin, abu kitolumo ngol kwap. Mam nges ajeni idiobore yenikamunit ngin. Ebala, "Mam eong ajeni idiobore yenikamunit eipone iboro kwape kalu." Ebala, "Mam eong ajeni. Konye ajeni eong ibore idiopet, yesi ikuriaka alosit aitiji enepelit ngol? Ido ibwoete yesi kane konyaraikina ebe Ekanisa loka Edeke lokajaran, kosodete acamakin ekapiirit ngol lomam ekepitai aibwo kokinga kangina aomianar koipone kangol?" Ebala, "Alosi eong aitiji nges!"

Oo, ipuda oni etunganan kwape kwangol lolo, etunganan loejaatar aijenaanut!

70 Inyobo abu ngesi kiswama, inyobo abu Daudi lo Betelekem kiswama? Abu kolot kinga ngina kosodi aitiji enepelit. Abu enepelit iken nges kokiror loka idekesioke, idekesio, luipu, abu iken nges kokiror loka inepelinike, arai ikedekesio, kosodi alosit ngina kosodi atemar atiar, "Lolo ayari ijo kede akakwara kasodi aikajakin akonikuan kuju ngina okitai kasodi ainakin ikweny ainyam."

Ebala ebe, "Ibunokini ijo eong kwape Epilistiat, kokiror loka Epilistiat, kede ebuku ka akwara, konye abunokin eong ijo Kokiror loka Ejakait Edeke loka Isirael." Inyobo ngin? Akirot! Akirot, "Abunokini eong ijo kede Akirot." Ebala, "Lolo atubori eong akonikou kokeperinikon." Abu enepelit ngol okieni kosodi abunokin nges. Ido mam Daudi abu kibelok nges epur, abu ngesi da kolosik ngol. Ejai aiboisit adiopet bon, nabu Edeke kitetenik akemoru.

71 Daudi, eperi kane kwape loengeritoy, ajai aomoom nuikamunitos ngun, eipone loajaar aipikor ngin. Kwangin do etakani abu kodolok aomoom nuikamunitos isabulin, eipone loeminar acepakio kokinga kangina komor apedori ngesi aper kosodi ainomanar nuka Edeke. Ebala ebe abu koenik aicorakinetaKe oitadake ka obokoruke, ido nealosi ngesi kere. "Kijaar duc eong Ejakait ngareneka, duc, mam eong ariangiranga." Abu kidarite Edeke koingareke. Ido aipikonoreta nukapolok nuajaatar ngesi! Neadumunia ngesi ainyonyoikinio naepol, arai ngesi ekawoon ikososio, apedori ngesi asomun kosodi alemun ekekalamu kosodi aiwadik ikososio kosodi awoere ngul. Alomari ngesi toma Omoyo, kosodi ekosio kosodi akosio ka ekosio kotoma Omoyo, apedori ngesi aiwo kotoma Omoyo koipone loka aiwadika isabulin lu. Ebusakinit nges kodumunite Isabulin luetegelikina, "Ejakait nges Ekecokionika, emamei ibore yenepuda. Kesiperikini amelo," Esabuli loka 23, "Kingarenikini ariri naka akipi nueillilete. Iteteuni ekatau. Oo, kengarenikini korotin luka adolit kanuka Ekekiror. Eebo, karaida ketor aditot naka etoribe loka atwanare, mam akurianar aronis kere. Naarai ijai Ijo keong."

72 Ido kwape aoomooma ngesi iboro ngul, ebusakinit korai apaaran namwana, abu nges akure kojak, komwana ido kinyinyiri. Apedori ngesi asesen kwape ajaar aditot kokuju naka imor, kowai loka okide arai kowai loka oto, arai kide, naka eibuga, neabu ngesi kongoliara kwap kosodi aanyun Ipilistian kokwap kangina, ilukumin luka ngul elukunitos airimor. Abu koany atan namojong neamasenenia ngesi kolo. Oo, abu kogeu aomoom nuka atupuruc neayanganara ngesi akemerekekin, alosi ai-aitanyam kes, etoreneinei ngesi kosiep naka atan kana, naarai arai aiboisit nakapolon naka akipi. Ido alosi ngesi kosodi aimat akipi, kosodi aimat, aitamam akemerekekin. Eipone loajaar kangina ko Betelekem, neetamasenenia ngesi akemerekekin.

Nen cut becebec nges neitamasio Edeke amerekekiniKe bobo lolo, cut ko Betelekem, erai Akipi nuellim nuisiteteunete."

73 Abu kiworo ebe, "Korai bon eong ajaatar akipi nuka atan kangin bobo!" alosi eong agolokin kwana, kopupok ejok. "Korai bon eong apedor adumun akipi!" Amonyi kotomake, " Korai bon eong apedori aimat irwanatipet bobo kotoma atan kangin nako Betelekem." Akeipud arai aicorakineta mama ejaas ngul luaminas nges. Kiitu, eworoi eketau kanuka imatat yenika akipi. Kosodete ngul luaminas nges, akeipud lodidi kakere arai aicorakineta. Kilimokinitai oni ebe ediopet kotoma...apotu iuni kotoma otunga kangul imorikikin nepepe, ikiliok lukaumokin. Abu ediopet koar akwatakanykauni, nges elopet bon. Loce abu kosomakin toma aipany kosodi aiyar engatuny. Ediopet abu kolembela ebela kosodi ainomar akwara awai kakan naka Emisiriat, abu koar nges kede akwarake, kosodi aibwo komisiri loka akima koipone kangol, kosodi aiyar akwatauni luajaas osiepike. Itunga lukaumokin! Araas ngul Imo. Kosesen nealomunitotor ngul.

74 Erai Daudi kane aitupuset naka Kristo, Betelekem, naarai erai Kristo Okoku loka Daudi. Kane ejai ngesi emonyi, kiworo kanuka akipi numatan. Ido eipudike arai aicorakineta, abala eong ebe, neejaas ngul luaminas nges. Iuni kotoma okiliok kangul apotu kolembela ikilengakec kosodete ejie amairon atomon ka lukany nuka itunga, kion adolore oibuga. Kwape kajitor luce kidaritos...Eraas ngul ikiliok luatiting luka ejie, Ipilistian ngul, alangir irwanaarei adepar kes, ice kotoma ngul. Konye araas kesi ikiliok, luatiting, luapedorete ejie. Abu ediopet kakesi koar, abu kobwo ngesi bon, kosodi aiyar itunga akwatakanykauni luka osiepike, kotoma apak adiopet. Araas ikiliok luatiting, amunos Edeke. Ajaatar aiyuun neejai engarenonikec. Kosodete kesi ajiun ekerot kion atubor, kion ebe kwape ajitor luce kosodi loce alemun apipa naka akipi, kosodete ajiun ekecerot abongor aitor neejaas amairon ace atomon ka lukany nuka itunga, kosodete ayangaun ngun kion neajai Daudi tetere nges emasi.

75 Kane itupusitai Kristo kane kotoma nu, Ekabaka ka Ekajion, naarai abu kojiu Ekerot kion alomar. Abu kobil ikokoron lukatwanare luka lokasurup. Abu kiwela ikokoron luka lokasurup, ebe, eebo, tetere oni ijaun ka Aijar Namam Edaun, Akipi nuka Aijar Namam Edaun. Abu kotubun kion neajai atwanare, kosodi ayangar atwanare mamaKe, kosodi atwanare atwanare, kosodi abongun tetere oni ijaun kede aijar Namam Edaun. Erai Ngesi Ekabaka ka Ekajion. Mam oni apotu epikosi, edaunitai aipikor! Mam oni apotu epikosi atwanare, abu ipiko atwanare kanuwok! Erai Ngesi Daudiwok loka apak kana. Abu ipiko atwanare. Emugati lo Betelekem ka Akipi.

76 Arai Betelekem eibuga. Yesi luisisiaete akiro nukolo ijenete ngun, ebe arai eibuga. Arai akwap nakapolon naka engano kotoma kangina, kotoma aicokicok ka iboro. Apedorete ajaut kede iraan luipu luka engano. Ido eraas da akipi nukajokak kakere. Erai eibuga loka emugati ka eibuga loka akipi loka Palestine.

Ido lolo, mamace arai ijaatar oni iriongeta imwaasi ai, arai imwaasi ai luce luenyaritai inacan, ido, naepedorete kesi koraas, esalakini erai ebe Kristo nges Betelekem naka ikeyuunak. Erai Ngesi aiboisit naka Emugati ka Akipi. Luka Methodit ejok ngin kanukus; ejok kanukus Baptist, yesi luko Pentekosit, yesi kere. Erai kere aiboisit adiopet, ngin nges Betelekem. Ngina nges eburnio Emugati ka Akipi nuka Aijar. Eebo.

77 Ejai Ngesi ne Emugatiwok, Emugati loka Edeke ka Akipi kanuwok. Erai ngesi eibuga, aiboisit adiopet bon naipedori ijo abunore kosodi adumun Ngin, erai mamaKe. Etogo loka Edeke, kotoma otunganane loka

Yesu Kristo, Betelekemuwok, Emugati ka Akipi nuka Aijar. Ido erai Ngesi Akivot eraun akuan. Akivot na ne, Emugati ka Akipi nuka Aijar. Iburanian 13:8 ebala ebe, "Ngesi ngopengol bian lolo ka ikar." Itarauni ngin Nges Betelekemuwok, aiboisitiwok naka Emugati ka Akipi, aiboisit adiopet bon naka Aijar Namam Edaun.

78 Koany Daudi, kotoma adumun akipi, mam abu omat. Ebala ebe, "Madi akuj. Eraas nu awokot nuka itunga lu luapotu kibwaikisi akecejar otelesit." Alosit ngina kanu ayangaun nges akipi. Kosesen! Abu kobukok ngun kwap, kanuka ainakinet naka ibore yenimatat mama ejai Edeke. Amen! Ikiliok ka inacan, ikeutu aiyuunikus ipak edit kwana. Abu konger aimat, nges elopet. Abu kobukok kwap, kanuka ainakinet naka ibore yenimatat mama ejai Edeke.

Iriamara bodo ngin biai kede Yokana 3:16, neabu Edeke kominuna akwapin koinak da Okokuke loteluna. Abu Yesu Ekabaka loka Aijar, kobu ne mam ebeit Nges atwanare. Abu ipiko atwanare Nges elopet, kosodi abukokin Akeokot Obe nuka Aijar kwap, amen, kwape ainakinet kanuka adiakariwok. Erai Ngesi Atiidawok nainomitai. Kwap alupok, Akeokot nuketiai nuainakini Edeke.

79 Abu eong apup icetunganan ebala akuar kaya kotoma aisiraret, ebala ebe apotu kopotu...Eyuunit eong ebe arai Billy Graham, akuar natubor, ajai eong asesen nges kwape abalar ebe abu kolot Isirael kosodi alosit Palestine, kosodi atemar, "Abunit eong aiyuun ikusitunga," icebore yenikoipone kangol. Ido abeit cut abu eong aminak ngesi kwape abu ngesi kotakanuna kotoma ainapetai naka akwapin akuar natubor. Luipu kayesi apotu kongereto etunganan ngol kanuka aswam ngun. Konye, kosesen ne, abu kodolok akonye nuka akwapuwok kere. Mam abu inyaka, abu kobwo cut bec kotoma kanu eyuunit ngesi. Ido abeit cut aminakit eong ngesi kanuka ngun. Kosodi atemar, "Abu eong alot Isirael kasodi eong alimokin kes, ebe, "Amai eong ediopet kotoma Odwekus,' kacekiro, kwanata."

Abu eong aoomomote ebe, "Billy, eumokina ngin. Epuda eong aanyun apedori ngin naeinakini Edeke tetere ijo ibwoi kangina kakidingot naka amwekemwek kangin kere nako Hollywood kosodi ainakin ajanaanut kanuka Yesu Kristo, konye mam nges arai Eyudayat." Arai Yesu Edeke, mere Eyudayat. Kiitu ebe, ebuni ikinyomit yenika aijar kama ejai ekiliokit. Ido mam Nges arai ekiliokit, Eyudayat arai Emoiti, arai Ngesi Edeke esubakinitai toma akuan. Mam oni itajaritai kede aokot nuka Eyudayat arai aokot nuka Emoiti, itajaritai oni kede Aokot nuka Edeke. Arai Ngesi Edeke, emamei idiobore kwap naka nen. Mam Nges arai Eyudayat arai Emoiti. Aokot nuka aisub nuka Edeke kotomaKe, iraun oni...Arai abu Ngesi korai Eyudayat arai Emoiti, iiwoliorit do oni. Arai Ngesi Edeke kotoma akuan. Eebo.

80 Mam eong amai Eyudayat, amai eong Edeke neamaia eong Yesu Kristo. Mam eong amai icebore yenemamei arai icebore yenerai awaragat. Amai eong Yesu Kristo, Ajakut naka Yesu Kristo kwape kwana, loerai Akivotoke naitodiara kotoma atur kana.

Abu Edeke kotoma nginitur kotiakak Akivot anyoun kageunet, ido kotoma nginipak kotoma nginidiopet kotoma aturio nuatuboros, ijukuni Edeke enabi kwap loinyonyoikinitai kanuka atur kangin. Kotoma apaarasia nuka Noa, apaarasia nuka luce kere ngul, neabu Ngesi koinakina aisumunet. Mam eong epodo ejautene loabu ekanisa koloma toma, iswamai duc Ngesi ngun, ijukuni Ngesi etunganan, ijukuni Ngesi etunganan loinyonyokinitai. Naarai ebuni Akivot naka Ejakait neejaas inabin. Ido kane abwoi Ngesi kangina, ngininabi, ido apotu iriongeta luka apak kangin kitoronata Nges, konye abu Ngesi kobwo kotoma Akivot kosodi ainakin Akivot aijar.

81 Arai Yesu aileleba naka Akivot naka Edeke, naarai arai Ngesi aileleba naka Edekeone kotoma akuan, ido tomaKe ajai aileleba kere naka Edeke. Ajari Edeke kotoma Kristo. Ajai Edeke toma akwap itupucukini akwap neejai Ngesi elopet. Mere Eyudayat arai Emoiti, konye Edeke! Abwoi Ngesi kangina, iswamauni Akekuan. Eipone loibecokinar! Ido ajai Aokot Obe nuka Edeke abukokinio toma akwap, anyoun kama ejaas aokot nuamamei aronis nuka Abel kobuni ngaren, kanu alakun oni. Mam Nges kolek aijaraKe, mam abu kideu aijaraKe obe; ebala ebe, "Papa, biai epedori kereka akoli na ainac Eong? Konye, ikote nen da, mere akoteKa, iswamaun akoteKon." Abu koinakin neejai Akivot.

Lolo ipedori oni aswam ibore ngipengin. Ipedori ijo arai ayangar italesiokus, ayangar ikonibore mutan, kosodi alosit neikoto ijo kere kede ngin; konye ipedori ijo atemar, "Mere akoteka, konye iswamaun naKon." Kobong neejai Akivot ngin naka Edeke. Ayangar aibusesukus ka ebaga kosodi aswam ibore yenikoto ijo kede ngin. Konye koinakinai eong Yesu kotoma otauca, mamace arai itidisiara ngin biai, ido eipone loekienatar itunga Ngin, arai idiobore yenikamunit Ngin. Kosesen-kosesen ekeipone, koany arai ebuni aswam kwape abu Ngesi kiswamator. Arai mam ebuni aswam, kosodi mam aputokin kede Akivot na, kojanlak ngin kanuke bon, mam erai Kristo; naarai Kristo nges Akivot.

Kwana kianyuni oni eipone loibecokinar ngin, Atiidawok, inomitai, Aijar naka Aokotoke ebukokinitai kwap, ainakinet naka adiakar kanuka ikadiakanaran, Betelekemuwok, Akipi, Emugati loka Aijar, loeinakinitai kanuka aitesegaaria oni ikadiakanarak lumam ilai.

82 Oo, ikadiakanaran opaperoka, eipone ali ingerio ijo, kabanganut, ainakinet kwape kwangin, kijaikinite Edeke Okokuke loteluna, aiinakinet naka adiakar, tetere yeniyuuni Nges, Nges, kinyek amudiar konye kojaunos kede Aijar Namam Edaun? Eipone ali kilomaria ijo tomaKe? Kanuka Emoyo ediopet ibatisaikinitai

oni kere toma Betelekem, Akirot naka Edeke, loarei Kristo kitodiaritai kanuka atur kana.

Ido nginisumunet naeinakini Ebaibuli naka atur kana, idarit Ngesi ecenabi anyoun toma aiboisit kanu aitodiar ngin, abu kisumunikite ngun kwape ejaar kotoma Malaki 4, eponio aswam. Mamace arai eomoomoete itunga koipone kalo ebangana bai, aponio aswam kwape kwangin! Abala Edeke kwangin! Epedori Ngesi kotoma amor kanu! Italesiowok mam epedorete aijaun ngin, arai mam ikanisanawok epedorete aijaun ngin, epedori abongor awi, epedori Ngesi abongor neekoto Ngesi. Konye ejaun itunganan yenebuni anyoun aibwo kanuka Akirot kana naineritai kanuka apak kana. Ejai icebore aitodiar Ngin. Mam ebuni araut atukos, adio, mam eraunar.

83 Wuu odwe, ikajiok kwape agolokina eong kwape kwana. Mam eong akoto aitaar yesi kane adaun aojau. Alosi agolokin kwape kwana, kitojok Ejakait. Idakikan ikany alomar isawan ikany, erai idakikan ikanykape atemas. Koany, Wu odwe luiraa ikajiok, ijo ekiliokit kane loibala ebe irai okoku! Ijo ibu ojeni nuabwoikinit Daudi? Abwoikinit Daudi Kristo, arai Ngesi, arai Kristo Okoku loka Daudi. Kwana kopupok, kotoma agolokin. Ikajiok ngul luaraas Imo, luipu kotoma kakesi, koany aponitos kesi kotoma nginiboisit kere, konye ajenete ebe etunganan ngol loangeritai enyonyokinitai. Ajenete ebe aponi Daudi kongeroi iketunga, konye ajenete ebe ajai ainyonyoikinitai mamake. Apedorete asesin ngin. Aso apotu kobwaata cut kosiepike, atwanare arai aijar! Araas ikiliok luatiting, mamace arai mam itunga lukokinga eyuunitos ngin bai.

Itungake obe apotu kirengeasi nges kinga. Mam akotosi imodiobore yenikamanara kede nges. Abu Saul korukorio nges, abu ekapolon loka ediini irengea nges kinga, kosodi mam ajaun kede idiobore yenikamanara kede nges, kosodi atukos airengear nges kinga, kosodi araun ekangeritono. Ajai do nges alosit neejai adioboisit kere. Kangina ajai do ngesi kuju naka imor, konye ajai atukos adio naka ikiliok, Imo kaiceda, luapotu kocamutu, ebe apotu kosesenata etungana ngol kosodete ajenun ebe abeit nges abunore araun ekabaka.

84 Kwape kwangin lolo da kede isirikaale luetiting luka aiyuun naka Akirot kangin, luejenete ebe isumunikit Akirot ebe ebonguni yesu Kristo. Mam oni ipodokinit imilionin luka dolas luka nu ka imilionin luka dolas luka ngun. Apodokinit eong abongun naka Yesu Kristo. Wu ikajiok odwe luka Edeke, inyobo ationisikus, ibwoete yesi bai lolo? Kasesenete oni ebe edwarit Ebaibuli ebe erai Ngesi loengeritai lolo, irengearitai kinga kokanisake, irengearitai kinga naka iriongeta. Ido ijenete yesi ngin. Emamei eipone loka angopongopot kama ejai ngin, erai ngin Abeit. Abala Ebaibuli ebe abuni ajaun kwangin. Kolomutu kotoma omacarin kangul luka etiang!

85 Kosesen ber ijo ikiliok lu! Apotu kolemutu ikecekilenga. Inyobo ngin? Ekeipud arai imatat yenika akipi nualilim. Daudi! Eputosi bo do bai kede lolo, Daudiwok, Kristo, ijani oni ebe enyaritai Nges ebe lokalaunan loibelibelo, irengeario Nges osiep ediopet, loka ikerep kotoma nginibore, engeritos ikanisan. Ejaatar kesi ikecetalasio ka iboro luelemunitai kobaga bala kwape apotu kiswamata kama ejai losodit. Ijeni oni ngun, konye ijani oni ebe esalit Akirot na erai abeit, ido ejai aitodolikidio. Ido eipud loka Kristo nges itunga, ikajiok, aibwo! Amen!

86 Oo, kopotu kobwaata keong, kosiepike. Abwoi eong kotoma aiboisit naetiono. Eningit eong, lolo! Eloseite atepun anatar akwap kere. Eningit eong icetunganan, ekajion loemina Yesu Krsto, loejeni ebe ejai iboro lu aitodolikinito lolo, inacan, kopotu kobwoata kosiepike kosodi airiun Akirot naka Edeke. Kimurwokis atanin ngun nueokitos ka idiinin loebwaaritos luijari ijo kotoma. Kiriu Akirot naitet naka Edeke, ainakis Yesu imatat yenika Akipi nuellim nuko Pentekosit! Ngol nges ekeipud lolo, abongor neejai Pentekosit nasodit, abogor neejai Akirot! Edwaritai ebe ibuni oni aswam kwangin, kotoma Malaki esula lo 4, "Ainyakar aiyuun naka idwe mama ejai naka lukapap bobol." Ingai epedori abwa atupuruc na?

87 Bala kwape Daudi, ijani oni ebe ebeit Daudi alomar toma apugan. Elosi Yesu Kristo aikamar akwap. Irumi Ngesi akwap. Engeritai Nges lolo, erai Ngesi loengeritai kakidingos naka iketunga. Naarai, erai Ngesi loengeritai mama ejaas akwapin, arai duc Ngesi. Konye lolo erai Ngesi loengeritai kama ekanisake obe, engerito Nges, eminas italesiokec ka itunga lukapolok aiboisit naka Akirot. Mam ecamakinete Ngin aitodiar. Mam ecamakinete Ngin alimonokinio kotoma apedoriKe. Alemaros kesi awai kama ejai Ngin, kwape abalar Ebaibuli ebe apote kesi aswam kotoma Apukokino 17. Inyobo ejaas kesi aswam? Eloseite kuju ne lolo, ido kere ejaas alosit neejai Aimorumun naka Ikanisan. Eitulikane ka eigeresane imorikikinos nepepe, aiswamaun emacar ka aput naka atiang. Ido ebirokinos igeresan cut toma ngin, ipetekotin nginiboisit kere. Lukapolok elosete Rome, luko Pentekosit, kosodete abongun, ebalas ebe, "Aiboisit naimoyoikit kakere! Ido kotoma Texas ka nginiboisit kere, ejaas apukor ka acamun aiboisio kaceda, kojenete ebe italesio ngul erupakini neejai Akirot na.

88 Oo, yesi luiboete ko Betelekem! Aleluia! Eworot eong itunga, ikajiok lumam ekuriaka. Mam eong apodo arai ejaas akwatakanykauni ebwoete kosiep ediopet ka ilukumin itomon kosiep kaloce, akoto eong ikajiok luepote aupakin keong kasodete ajiun erot kotoma okokoro kalo loka Ipilistian lumam iyuunitos Atukos naka Aimorumun naka Akwap kere etukokina alukunit Akirot naka Edeke, kotamitos aiswamaun italesio kosodete aitania itunga. Ejai Atan, ejai Atapar naengaara kotogo loka Daudi, Betelekem, kanuka adiakar

ka amamus aila. Onac, adiakar nges amamus aiyuun Akekirot!

Ingai ekajion loepedori aanyun Apugan naka ikar Elukumit ebunit? Ekajiot ali epedori aanyun Emoyo Lokalaunan lokapolon lo elomun kotoma ojutene loka Yesu Kristo, akuan naka Kristo kanu aikamar bobo, kobwoata keong. Kobwoata kosiepika! Ajiutu erot kotoma otalesio kalu luka ediini. Alomasi toma ngina! Iworotoi Ngesi kanuka imatat yenajokan yenelilim yenika Akipi nuko Pentekosit, Pentekosit nakageunet, mere atukos naka luemunauna, aimony, aiworo, kane. Apeleikinit eong aibatisao nakabeit Emoyo Lokalaunan naitolomuni Aijar naka Yesu Kristo anyakun toma otunganan.

89 Kitimoi eong arai emusungit eong ijo. Mam, mam iswamai ngun. Eswamai eong nu Kokiror loka Ejakait Yesu. Kobong! Kobwo, ijo etunganan loititing loiseseni Daudi ebwoi kangina! Ywsu Kristo, loengeritot kotoma okanisaKe, igalioritos italesiokec. Ejai Atapar naelilim eperi kangina. Amen. Ejai apedor kanu ainakin Akirot na aijar bobo, edwaritai kotoma apak kana aitodolikin. Mam ijo ibuni aswam ngin kotoma ajore najai ijo toma kwana. Ijaas yesi atukonokin, Pentekosit, cut kede iriongeta luce kere, aitarau ngin etal.

90 Wuu itunga luka Edeke, aibo ejai Ekileng ngol? Ipuda Ejakaitiwok amatat yenelilim. Mam eong apodo arai erai aijar arai itwanare, ajiutu katuboros kama ejai ibore yen. Eninik aibwo ijo elopet. Eworot eong itunga abunore aibwo keong, kobwoata kede Akirot! Nuebala Akirot ngin, kiswama cut kwape abalar Akirot ngin. Mam eong apodo nuebala idiobore kere, kosalak Ngin kwape kwangin, naarai Ngin bon nges ibore yenedepori atubor. Alototo Betelekem, Akipi nukabeit nuka Edeke.

"Arai esalaki itunaganan tomaKa Eong da tomake, arai kikalak ijo tomaKa Akakiro da tomakon." Asalakin, mere asomanar anyoun aiboisit kiton aiboisit, kosodi aijul akaadikon naka eidicane anyoun kama ejaas luka oneness kiton twoness ido threeness, kosodi abongor Presbyterian, Lutheran. 'Kikalak tomaKa," ido erai Ngesi Akirot, "Akakiro da tomakon! Mam ikuriana akwatakanykauni arai imilioni ikanykauni. Abuni eong aibwo kosiepikon. Epuda eong aimat kotoma Atan kangin bobo."

91 Elosi Edeke ajaun kede itunga luepote aimat kotoma Atan kangin! Aleluia! Ipedori ijo aomit ebe emunaar eong akou, ido aticepak abeit emunaara, kwangin emunaara bodo eong akou kanuka Yesu Kristo ka Akekirot. Arai ebeit eong anyarao ebang, konyarai eong ebe ebang kanuka Akekirot. Mam eong esurwokinit itunga luka orionget kangol. Asurwokinit eong eswamae ngol loirieborit Akirot naka Edeke awai. Ajiutu, ikajiok. Kobwoata kasio. Alototo toma Atan ngin. Erai Ngesi Betelekemuwok.

Atanin nu numojong, Atukos naka Aimorumorun naka Ikanisan luka akwap kere ejaas aimorumorun kwana. Ekoto oni ainyakakin Akirot naka Edeke, mere ediini. Mam iyangari etal, eraas ngun atanin nuebwaaritos nuapotu kodoutu ikar kau, ikar akaisaarei kau, ikar akaisauni kau, arai bo nat okaru loatubor. Akoto eong Akirot naka Edeke naisumunikitai kanuka lolo. Ngin nges imatatat yenekoto Ngesi eong aimat Akirot na lolo! Erai Betelekem lodidi, engeritot.

92 Erai, ajeni eong, eputosi bala, iwomit ijo ebe, "Eebo, arai aka..." Eebo, edolit ngin, aomitos kesi ebe ti eurikinitai Nges Yerusalem. Aomitos ebe ti Nges eurikinitai neajaas luengarenikitos ediinikec. Abu kibeloar kama ejaas ngun kere. Abu kobu neejai Ekiror loenyaritai Betelekem, naarai ngol nges loarai Ngesi. Aleluia! Mam Nges ebunit kanuka Methodist, Baptist, Presbyterian arai Ipetekotin. Ebuni Ngesi aomun Ateran, Yesu Kristo. Ngul kes eomuni Ngesi. Epedori kosubite bala itegelikina mamakon, konye kiyu Ngin!

93 Koany ber ijo aitupuseta nu? Mam epedorete abunore koiponece kidimarai kanuka Akirot. Ngin bon nges aiboisit nabeit Nges aurikinio, erai Betelekem. Nges ainakini eraun aiboisit ngin nadidi. Ngol bon nges eipone loebeit ajaut atupuruc na, ebeit ajaut koipone kangopekangol kede Akirot naisumunikitai. Eebo, ipa. Atukos naka Aimorumorun naka Ikanisan kere luka Ipilistian kwana ejaas aimorumorun, atukonokin nginiboisit kere airimor Betelekemuwok kangina, nginiboisit kere, itubusiaritai kere kede aibuses naka akwapin. "Oo, ibuni oni ayangaun ainapakin naka akwap." Ipaapa Luther, John, arai loerai ekekiror kere, ebuni aimorikikin nepepe, ka ikaanyanarak kere lukapolok luka ekanisa, Atukos naka Aimorumorun naka Ikanisan ka Atukos naka Akwap kere ejaas aimorikikin kere nepepe. Eipone ali epedoriata iarei aupakin komam ecamanara? Amen!

Ejai Ediopet bon loipedoria ijo aupakinor, ngol nges Yesu Kristo. Eipone-eipone ali ipedoria ijo aupakin ka Nges? Nakicamanaror ijo kede Loerai Ngesi, Akirot! Mam icamakini ngin aijal ijo.

94 Mam eong apodo nuikamunitos arai aibuses naitia ai ejaatar kesi, "Ekoto ijo aswam nu arai mam ibuni isio agolokin ekanisakon loijaatar ijo." Mam eong apodo arai egolokinete kesi, ido emamei ngin ibore yenikamanara kede Akirot. Eebo, ipa. Aibo ijaas yesi alosit? Cut becebec kwape nuabala Akirot ebe ijaas yesi aswam, abongor cut kau, kere isiritos kotoma aibuses naka akwap, kede iponesio kere nuka aisumuneta nuka akwapin, konye erai awai toma oboro luka akwapin amairon emilionit. Ikoni nen lolo, ebaga bobo, kanu airiebor oni kama ejai Akirot naka Edeke. Konye eponio ngin aitodolikin. Epedori Edeke kotoma amor kanu aitonyoikin Aburaam idwe. Ah, atamit airiebor ikaboiororok, obe lukabeit luko Betelekem awai kama ejai Aijar Namam Edaun, ngin nges alosikinetekec.

95 Konyoutu, yesi odwe ka ikajiok, ajiot abongosi neejai Betelekem losodit! Kiitu ebe neabu Daudi kolomaria toma oicolong. Apotu itunga kobwoata kosiepike naarai ajeni ngesi, ajenete ebe ebeit nges alomar toma oicolong. Ajenete ebe alosi Daudi alomar toma oicolong, mamace arai aponi kongeroi nges biai. Arai ngesi loangeritoi kakere kotoma akwap. Kwape kwangin da Akirot naka Edeke, atupuruc na, elongwau mama ejaas iriongeta. Kosesen nueswamata kesi. Itodunit ngin cut koingarenekon.

Etamitos itunga atemar ebe, "Onac Branham, inanganagai ijo ikanisan." Ananganagai eong eswamae ngol. Ekanisa erai Yesu Kristo, mere eswamae.

96 Ido lolo, kosesen nueswamata kesi, kosesen nuejaas aswam. Ido ipedori ijo aanyun nuejaas kesi aswam, ejaas atamit airiebor itunga kama ejai Ngin. Ejaas aiyat atukonokin arimor Atan, kanu aanyun ebe emamei itunganan yenebuni aimat kama ejai Ngin. Konye, Wu ikajiok luka Edeke, eyuunit eong ebuni Yesu Kristo acepaaran kotoma aibuses, eyuunit eong ebe ebuni kosodi aiboikin toma Oicolong loka Papake Daudi. Karaida erai Ngesi loengeritoi, Akekirot atupuruc, engeritos itungaKe obe kwape angeritere Daudi, apotu iriongetai irengeasi kinga Akekirot, apotu kirengeasi, neebunio Edeke kosodi aitodiar Akekirot naipioroi. Mam ilmokini eong! Adaun ikar, kotoma akwap, ido inyikokinitos aekar neelwana, noi kama ejai Ngin apak kere.

97 Abu eong alim kapaaran kaya, nuikamunitso Jacqueline Kennedy, irwana imwaasi ai etoronenia eong yesi angor kanu aitub itimakus, aicul akuan, yesi angor nuko Pentekosit itubete ikusitim, naebala Edeke ebe erai e...itarauni ijo-ijo-ijo akonikuan amalayat nakorot nakiswama ijo ngin. Ido, kama ejai Edeke, emameotor okilenikon kede apedor aiyatakin aijar kajo. Aberu naetubi iketim, itisili akekou, loerai okilenike. Ibecokina ngin cut noi. Inyobo abala eong kanuikamunitos ngin, adumununei eong ibaluan ebe, "Ijo etunganan lokaronon." Eebo, apotu konyarata Eliya kwape kwangin. Apotu konyarata nginikirot naka Edeke, nginipak naitolomunere Akirot, enyaraete Ngin kwangin.

98 Abala icetunganan kapaaran kaya ebe, "Inyobo, iyuunit isio ijo araut enabi."

Mam eong alimunitor ngin, mam eong alimununei. Mam eong arai enabi, arai bon eong ebulesit loka Edeke kane atamit alimonokin yesi Abeit. Odaun. Ber eong alimok yes, ebwoi Akirot naka Edeke kanuka ngin! Ebala ebe, "Apesur nuko Zion, atenu nabu ideun kotoma apak kangin kotoma amunaarake kere, ebuni araut nakaibuses kakonyen nuka Ejakait." Alomar, angor, ijaatar yesi aiboisitikus naebait ajiun atubor kotoma, Hollywood naka akwapin ka aitodianario naka aputosia, ka iboro lu kere luko itelevisiion luitamitosi yesi aituput, ainap koipone kalo adoteu kokinga korotin.

Ido abala icetunganan ebe, "Inyobo, ekotosi itunga ijo aisisianakin kes eipone loka adumun Emoyo Lokalaunan ka eipone loka adumun..."

Atemar ebe ijaatar Emoyo Lokalaunan, kosodi ainger Akirot? Aijarakon alopet itodunit ebe mam ijo idumunit Ngol. Ianyu? Kwana, mam eing anyunyura, ajai bon eong alimokin yesi Abeit. Kosesen aijarkon kosodi aanyun. Abala Paul ebe, "Arai kebu emalaika kotoma Akuj kosodi aisisianakin icebore yenegelara, ikenoi nges," Igalatian 1:8. Edolit ngin.

99 Ingai bo Jacqueline Kennedy...Abu kitegea erot loka angor kede ipitenesio lu luka aitub itim ka iboro luejaatar kesi, anapito na kere naka adoteu, ido kwape enapito naka luka toto ka iboro. Nginiberu kotoma akwap ekoto ainap ngul, yesi Ipetekotin da. Koany, Jacqueline Kennedy mam abu kiirarite Aisiraret kwape kana. Korai tikiirarite Ngin, aticepak tikironokina kolo sek. Konye yesi angor nuko Pentekosit ipupete Ngin, nginipaaran, ido ngolikaru, ido mam yesi iswamaunete idiobore kanuk ngin! Aleluia! Ebuni Edeke aipas adiopet kotoma apaarasia kanu! Ebuni Edeke aipas. Eebo, ajeni eong ebe iwomitos yesi ebe emunaara eong akou. Kolototo ngaren, mamace. Awomitos kwangin anatar aturio kere neabu Akirot...Ianyu?

100 Wu ikajiok, kolemutu Ekileng ngol, abwoata kede idiobore kere yenebwoi Ekileng ngol kanuke! Alototo toma Atan ngin neejai Atapar naileleba Aokot, nueleleunitos kotoma amoori nuka Emmanuel. Mere Eyudayat. Amoori nuka Emmanuel, Edeke ejai kaoni, neilotarotor amasinikineta kere nuka adiakar kama ejaas ikadiakanarak luelumorete toma atapar ngin

"Ido elomuni Ekayaiton kotoma Betelekem loebuni ayait ikatunga." Emoyo Lokakaunan lolo nges eyait itunga, ido Emoyo Lokalaunan nges Akirot. Biai ngin edolit? Kwana, kotoma agolokin, kaiyapaara. Eyait Ngesi itunga. Mamace nuwomit ijo; koupakinos kede Akirot. Arai mam ijo icamuni, emamei Emoyo Lokalaunan kanen; irai ijo ikajenan yenika ajenaanutukon ilopet, mamace nuinera ijo. Ipedori ijo asomosom kuju ka kwap, einer ka angajepa, kosodi akerit airimor etogo, oroko ijaas kede itim luetubub ido iswamai iboro luiswamai ijo; itejeni ngin asurwokin ijo, mam ngin erai kwangin.

101 Itunga luiboiete ko Betelekem, Kisirereng Edeke yes, atuboros! Ipuda Kristo Ekanisa lokabeit. Ekoto Ngesi Ateran. Ajiutu iwokorotin atuboros. Konyoutu awai kane, kolemasi italesio lu awai, tetere ikamatak obe lukabeit ebongunete kosodete adumun imatat yenikabeit, yenika Akipi nuko Pentekosit nusek alelenenete kotoma Atan nakapolon. Eroko elelei. Mam kereka ijo ibuni lolo kosodi aiyuun ngin kede ekonitau kere, kwape kitulurwo awokokwes kwap ipak edit.

Kijaar eong iboro luipu ne lutikener eong nukec. Mam apak ecamakini ngin, erai kwana isawan ikany. Mam eong ajeni arai ikajiok idi ejaas ne, yesi ijaanakinak, Metjodist, Baptist, Presbyterian, esasedoti loka Atulik, idio kere, biai yesi isimonikinos? Ajeni eong ebe mam eong arai etunganan lokapolon kokanisa. Apedori eong alomunite kamodingot, kakaditos nu, ngun ka kwa, konye erai Na Akirot. Ido kiyu ebe erai Ngin kwangin, ido kiyu ebe erai Ngin Akirot, ngin nges Betelekem. Abala Yesu ebe, "Mam etunganan ejari kanuka atap bon; nginikirot naelomuni kotoma akituk naka Edeke." Ido ejai Akirot ne, Ebaibuli. Ejari etunganan kanuka Ngin, Ngesi nges Akirot ngin.

102 Wu ekajion, biai ijo iriuni Ekileng loka Edeke kosodi atemar atiar, "Mam bobo eong akoto italesio lu, ajai eong abongun neejai Akirot, ajai eong abongun neejai Abeit"? Aberu, ekiliokit! Angor mam yesi ileic irumitos, eipone loiswamata yesi lem? Yesi ipudas atupuruc na, kobaga kalo, abongon kosodete aitodiar Yesu Kristo lokabeit?

Kwana kituluritos akwesikus kwap ido kogolol nginikongu, biai ijo ikeuni akonikan, kotema atiar, "Kilip Onac Branham. Abeit cut akoto eong aswam ngun kotoma otauka. Akoto eong, eyuunit eong ngin"? Kisireng Edeke ijo. Ikatunga, ijaanakinak, angor, nginiboisit kere!

103 Ko Betelekem, Betelekem, aiboisit naka Emugati loka Edeke, Kristo Betelekemuwok. Eipone ali kilomaria oni tomaKe? Ikoriton Lusodit 15, "Kanuka Emoyo ediopet kibatisaikinitai oni toma Akuan nakaiyeiea naka Yesu Kristo."

Inyami oni Akekirot, mere idiobore kere, inyamat luka amerekekin bon! Akirot ngin! Emamei icebore. Mam ijo ipedori aibwaikin ediotal toma Ngin, mam oni ibuni apupokin ngol. Mam, ipa. Ekoto ijo atemar, "Inyobo, erai kwana." Arai ebala Ebaibuli ebe erai kwangin." Arai ebala Ebaibuli ebe erai kwana, Lo nges eipone loikitor oni Ngin ajaut. Mam oni ikoto Ngin kijulujulai. Ikoto oni koipone kalo ejaar Ngin.

104 Wu Edeke, Papakosi, lolo ejaas itauon luipudas eroko ejaas toma akwap. Kanukiinyo eraar Betelekem lodidi. Koiponeka lokiican lomam eong asiomitor, Ejakait, atam eong ainakin atukos na...naemina eong, ajeni eong ebe eminas kesi, Ejakait. Ido amina eong da kes. Ido amina eong kes noi kiton, Ejakait, apodokinit eong-eong kanukec. Mam eong akoto aanyun kes inyalinyaluna kotoma oboro kalu lukapolok, kosodete adumun atuborio awai kiyap apak, kasodi asesen itauon ngul lukiican kojeera, ido ajeni ebe kapak adiopet abu eong ajaatar arereng.

Ejakait Edeke, lolo, mamace nnewomoomoete luka Yerusalem lukapolok, ka nnewomoomoete luko Gilead ka luka Ramot-Gilead ka luce kere, luko Silo, ka aiboisio nukapolok nuemaere, neejaas ngun kere. Ejai Betelekem. "Mam kereka ijo irai lodidi kakesi kere? Konye kotomakon!" Kotoma Methodist, Baptist, Presbyterian; Atulik eibuga lokapolon; ka luka Ramot-Gilead, neabu Luther kojior; ka-ka luko Silo, neabu aticepak Wesley kojior; ka aiboisio ace nuipu. Konye, Ejakait, Ejakait, ibu Ijo kitonyou atukos nako Pentekosit, ido arai mam kes ibelooro kosodete aswam ibore ngipengin!

105 Yesu loko Naseret, elipit eong Ijo, Ejakait, alacun ikajiok alomun kotoma nginidiopet kotoma otalesio kalu kokau kangina, anyoun Kokirorikon, ajiun atubor kotoma otalesio kalu kere kosodete abongor neejai Akirot nakabeit, namam emunaara, alacar awai ngoliloit loetapit aigogolonor kes, alacar awai ngolisawa loejaatar kesi kinga ne ijusununos kabanganut atamit amoot imeeban kanuka erionget. Ejakait, Edeke, kobongutu kesi aimo luibelokinos neejai Yesu Kristo, mere aitopoloorit ediorionget arai idiotunganan, kidimarai Yesu Kristo, ido Nges bon.

Arai Daudi nges apotu itunga ngul kojiosi kanuke. Arai kanuka Daudi nges ainakini itunga ngul ibwaikinite ajarakec oitelesit. Kosodete ikajiok ngul lukapolok lukapedor, komam ekuriaka, apotu kojakutu ekecerot kiton ngina, naarai arai ekeipud. Arai ekeipud aimat akipi nuka atan kangin.

Ejakait Edeke, aticepak mam isio ipupi kwangin, airiunet ngin, konye, koany, erai eipudiKon ebe iswamao iboro lu. Kwape ibu Ijo kolimokinitor Yokana, "Akepolou ibusakinit isio, arai ibecokina, ebe itodolikini isio adolit kere."

Ibusakinit isio, ijaanakinak lolo, aanyun ebe elimonokinio Akirot na, aanyun ebe iswamao. Ibusakinit isio, etunganan loka esawa kalo loijari isio kotoma. Itunga lukapolok kotoma akwap lolo, Wu Edeke, ejaas kesi kinga ngina, koanyutu kesi kosodete airiun Ekileng! Mamace arai itia ai lokasurup, arai erai Edeke lokon, ingai isurwokini ijo? Mam isio ipodo, aibwaikin ajarakosi toma oitelesit. Mam isio ipodo, aibwaikin na, ngin ka ya oitelesit. Ikoto isio ainyakun Akipi nuka Ajar!

106 Kalototo isio Betelekem, Ejakait, kolot nginidiopet kakesi. Kolototo angor ngun kere, ebe, abeit cut, arai apotu ikeutu akecekanin, apotu kesi ileic irumata kanuka ajarakec. Komisiikisi kesi ebe ikiliok lu epote araun bala kwape Ejkt. Kennedy adiopet kotoma apaarasia kanu. Epote-epote araun kwape ikiliok kaluce kere, ejai kes atwakare. Angor nu etwakete. Atwani eong. Oni kere ijai anyamun kane akwap, ido ijeni ebe erai apak naedit bon, ideuna oni apaarasia adis bon. Ido, Edeke, aiboisit naka atamit aiduk eswamae loepol, Ejakait, koanyutu angor ngun ka ikiliok atupuruc na erai abongun naka Ekabaka.

Wu Edeke, abunore naka Ekabaka lokapolon, Yesu! Ido ngin...Ido imisiikinit isio, Edeke ebe nginidiopet

kotoma otunga kangul luapotu kolemutu ikecekilenga kosodete ejie kanuka Daudi kotoma apak naraar ngesi loengeritoi, nealomaria ngesi toma oicolong, abu kitarau kes ikayaitok luka ibugai. Nginidiopet kakesi ajaatar ibugai. Ido ibu Ijo isumunikite ngun kotoma Obaibuli, ebe ibuni isio ajaun kede ibugai. Wu Edeke, kwape Imo, apotu araut ikerumak kitorunite neejaasi Imo, tetere iraun ikamorak luka alauniteKe ka adoliteKe! Koinakinai isio lolo, Ejakait, kwape ikiliok ikajiok, ayangasi Akirok ngin, ajenete ebe ngul luebwoete kanuKe kotoma osawa kalo, epote araun ikayaitok luka ibugai. Mere ebe ikoto isio araut ikayaitok, konye ikoto isio araut ibulesin mamaKon, Ejakait. Wu Edeke, kiany isio aitapoet naka idis luikidioko, itukos yen yenididi, lu luenyaritai ebe "aikerepikinit," kotoma a...Abala Paul kotoma apakike, ebe "Koipone kalo enyaritai ebe 'ikerep,'" abanganut. Nen nges akotor eong ejie, Ejakait. Akonikirot nges Abeit! Ido Ijo nges Akirok, nges ngopengol, lolo, ka ikar kere.

107 Wu Edeke, kinyonyokinai isio kede Akirotokon, kosodi aitodolikin Akirotokon naesumunikitai kanuka apak kana. Kaonyoutu isio kotogo kalo atupuruc na kwape iboro lutwasama luiliacai luka Edeke. Kalototo isio kede Ekileng, imilia Ngol kotoma okwam, kanu aitub nginilangir ka nginibore kere, kiton nakinyakuna isio itunga mama ejai Kristo, kasodete ayangaun imatat yenelilim, yenisiteteuni mama ejai Ejakaitkosi, aiboisit naka italesio kalu kere lumojong luebwaaritos. Komatata itunga kama ejai Atapar, Arereng obe naelilim, naisiteteuni nako Pentekosit, tetere kisirerengi etauKe kosodi ainyakun Nges akidingosikosi bobo. Koinakinai ngin Ejakait. Kokiror loka Yesu Kristo, nges elipia.

108 Kwape kituluritor akwesiwok kwap, arai epedori yenerami apiano, arai acuma, yenerai ngin kere, alosit neejai acuma, apiano, akoto eong oni kaiyeiyea awoere lo, "Ejai atapar naileleba aokot, nueleleunitos kotoma amoori nuka Emmanuel; kelumo ikadiakanaran toma atapar ngin..." Ikadiakanaran, ingai bo ikadiakanaran? Yenimam iyuunit. "Yenimam iyuunit yenelomari." Amamus aiyuun inyo? Akirok. Oo, Iyudayan ngul mam akotosi acamun ebe mam kes araas ikeyuunak, aomitos ebe etajaritai, konye ajeni Edeke ebe epudas kesi Eketajaran. Elipite kesi kanuka ekajion, abu Edeke koinak kes Ikoku, Eketajaran. Ajeni ibore yenepudas kesi. Ngin nges ainakinetekec naka Ebagi. Ngin nges ipuda ijo lolo, Ngin nges epuda eong lolo, Eketajaran kanuka amamus aiyuunika, Eketajaran kotoma amamus aiyuunikon. Kwape kiwoio, kelipete kanuka ngin kwana kotoma otauonowok. Kilip kede etau kere, elipit, ekanisa.

Ejai atapar naileleba aokot,
 Nueleleunito kotoma amoori nuka Emmanuel,
 Ido ikadiakanarak (lumam iyuunitos) luelumorete (mere emeeba loka okanisa, kwana)
 toma a...(nen nges elumorete imeeban luka okanisa)
 Ilotarete amasinikinetakec kere nuka adiakar.
 Ilotarete amasinikinetakec kere nuka adiakar,
 Ilotarete amasinikinetakec kere nuka adiakar;
 Ido ikadiakanarak...

109 Ejakait Yesu, elipi kwana eong ebe ijauni Ijo isio. Ajai eong aibwaikin akaijar nepene cut kede atukos na, Ejakait. Kolema amamus aiyuunika kere, Ejakait, awai kamaka. Ber eong atwana, Ejakait, kwape abu Samsom komonyia, koinakinai eong atwana kede Ipilistian lu. Ber eong eswama nuebeit eong aswam, konye, Edeke, kitalau ekatau. Kolema abunokin kere awai. Arai ejai idiobore kotoma Akirok yenimam eong eyuunit, Ejakait, ido arai-arai emamei icebore kane yenabu Ijo kisumunikite, yenimam eong apedori asesen akakuan kitodiari Akirok ngin kanuka apak kana, kwangin do, Ejakait, kitimoi eong. Kitimoi eong, Ejakait.

Koinakinai eong atiting. Wu Ejakait, epuda eong atiting atobukin kwap iboro lu, aitub arwatat na, naarai ajeni eong eipudiKon. Kinerit ijo ngin, ekoto korai kotoma apak kana, "Kwape ajaar kotoma apak naka Sodom, kwape kwangin ejaar kotoma abongun naka Okoku loka etunganan." Iseseni oni aikunyakinet na nakawasia, ainakinetekec na nakawasia naejakai ainakin neejai ekanisa. Arai ngin aanyunet nakawasia nabu aur naka akuan naka Aburaam koany eroko akim icwera akwap naka Imo. Aso erai aanyunet nakawasia naebuni Aurike naka Akabakanut aanyun naperoko akim emudiara akwap naka Imo. Ijo...Ejakait, koanyutu kesi ebe erai ngin cut bec apolou nainakini Yesu eurunio ko Betelekem. Erai Akirotokon. Erai aisumunetekon. Kisirereng kes kwana, Papa. Ainakini eong kes mamaKon, kwape abokoi. Ido eriutu isio, nepepe, Ejakait, Akirok lolo kasodete alosit ngaren Kokiror loka Yesu. Amen.

110 Kisirereng Edeke yes. Yesi iyuunitos Ejakait Yesu? Iyuunitos yesi ebe erai ngin Abeit? ikeutu akusikanin kuju arai iyuunitos yesi ebe erai Abeit. Eyalama, ipapero. Koany, arai eong...aomit eong ebe egwetara atepu. Itei ijo, kotoma oiner kane, mam eong enera neijaas yesi bon. Elosi atepu anatar akwap kere, ido ikiliok ka angor anatar akwap kere epupete Ngin. Ilosi anyoun akwap kiton akwap, iboikinos kesi ngina kede ipiin ice kotoma akiikec kosodete-kosodete einer Ngin kokinga neejaas akwat ka akwat nuka itunga airimor akwap kere.

111 Ido kojen, mam erai...Yesi angor, mam eong akoto aitakadikin yes nealimonokina eong yes iboro ngul. Konye arai mam ecokionikon elimonokini yes Ngun, ejai ibore yenerono kede nges. Emameotor ngesi atiting aswam ngun. Engopit ngesi kokau naka erionget. Arai bo erai ngesi kwape Lot, iboie kokwap, eroko akim edouna, amameotor ngesi-ngesi ibore ilopet-ilopet yeneyangaikini kanu aibwo kokinga kangina. Nges...Abala Ebaibuli ebe, "Etakadikitos adikanareta nuka Sodom eketau lokadoliton

nginipaaran." Ajeni eketau ejok, konye amameotor ngesi ibore ilopet yeneputai kanu aibwo kokinga kangina kosodi aitoron ngin. Ido ecokion lomam elimokini angor ebe ediakara aitub itimake, ejai ibore yenerono kede etunganan ngol, ka ainap inapen lu.

112 Ido yesi ikiliok, yesi ikiliok luicamakinitos angorokus aswam iboro kwape kangul, inyobo ationisikus? Inyobo ationisikus? Aingarenikit akoniberu arimirimio otaun kwape bala amalayat nuka itunga kere, kosodi aibap ecetunganan toma akituk arai kemoromor ngin. Ijo ngesi ebeit aibap akituk. Edolit ngin, ido ebuni Edeke da aswam ngun kapak adiopet. Edolit ngin. Ekoto oni abongor neejai Akirot na.

Mere ngun bon, edit ngin noi, ibore yenididi. Eipone ali ilosio ijo apedor iboro lukaplok arai kinger ijo iboro ludidik? Eipone ali ipedoria ijo aisiom ikokoron arai mam ijo ijeni ABC? Mam ber ijo ipedori aimar kiton itomon, eipone ali ijenunia ijo aimarakon? Ekoto ber ijo ageun anyoun okwap. Itamit ijo ageun kokuju, kobu kwap ne kosodi ageun kanepokane.

Na nges apak naka aswam ngin, kwana, ebaga. Arai aurio naka Kristo, kourunai Kristo kotomawok. Inyobo Kristo? Kristo nges Akirot. Imwaasi ai ejenete ngun? "Kageunet ajai Akirot, kojai Akirot mama ejai Edeke, ido korai Akirot Edeke."

113 Abala icetunganan kaparan kaya, kotema atiar, "Onac Branham, ijo, ejenete itunga ijo kwape loingara angor." Mam eong arai. Kijaar eong amin nakabeit kanuka ainacanaka. Epote icekiliokit aibelokin, aomit ebe ilai ijo kede akonye nukarengak ka akonye numelo, ka itim luetubub, ejaatar ekiliokit ngol aomisioit naitegelikina adepar najaatar eong. Ekoni...Amina eong etau ngol loejai tomakon, loebait airiamun kede Edeke. Ngol nges ajai eong...inacika anatar Aijar Namam Edaun, mere icebore yenikadoteu kane kotoma akwap ebuni...

114 Imwaasi ai esiomitotor aibiror, naka aibiror nako Rome? Abeit cut. Kosenen ber ijo nen, ibore ngipengin yenijai oni aswam, eimiel loka aelo. Atumun kede ejautene loejai toma, cut becebec koipone kalo kijaatar oni kwana, atiokisio nuka atekerin. Ido atumunak ejaas aikamar, ido ikiliok ka aelo. Cut koipone kalo abu Akabakanut naka Rome kibiroror, ikar elukumit kede akwatakanyauni kau, ido ena ne abongu ne bobo kakidingot naka Imo. Ianyu? Aitolitoluna naejai akidingot naka idiinin ka iboro. Oo, ikoni bodo lolo ai esawa loijari oni kotoma!

[Koinakini inac aisiraret. Aiboisit naemamei ibore katepu-Ekewa.] Amen. Ener Ejakait Edeke. Eyuunit eong ngun.

115 Kwana kanyoutu aibwo. Nakinerar Ngesi, erai na apak kanu oni aiyapaar. [Kinerakinis icetunganan kede Onac Branham-Ekewa.] Ibala ijo biai?

Kanuka asianut naka Edeke, ido kanuka aingarakinio naka Edeke, eyatak eong aiketakin adepar kwape lem ajaar eong, abwoi eong kede Akirot kana kasodi aitam nuapedori kere, kede aigange naka Edeke, kanu ajiun erot alosit Betelekem bobo, neepedoriata luiboiete ko Betelekem aimat kotoma Atapar. Imwaasi bo ai euparos keong, ikeutu akusikanin kuju, kotemas atiar, "Esumunikini eong Edeke ebe abuni eong aswam ngun"? Kisirereng Edeke yes.

kwana kitulurwoto akusikwes kwap ipak edit, ido eyuunit eong ebe onac ece kane, Onac Jeffries, kobua ne. Elosi ngesi aitwar esipan kwape kituluritor oni awokokwes kwap kotoma ailip, arai ipedori ijo. Eebo, onac.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7